

INDINO JESU

WE YA NA ISANA



Omuyapuke Johanes, ekondwa o11, okuutira mezeva o18, Ami mu me zeri okuresa.

Nambano Betani tja ri popezu na Jerusalem, ape oure wozokilometa ndatu:

Nu Ovajuda ovengi ve ere ku Marta na Maria, okuyekuehuhumiṇa ohunga na mbuti wavo.

Indino Marta, tjimanga eye tja zuva kutja Jesu u ri mondjira, arire tja piti okukemutjakanena: nungwari Maria wa ri a haama okuhirimana mondjuwo.

Indino Marta wa tjere ku Jesu, Muhona, ove andakuzu wa ri mba, omuṭena kwandje katja ṭa.

Posiya Ami me tjiwa, kutja nangarire nambano nai, ngamwa atjihe ove tji moningire . . . Ndjambi, Ndjambi me ku pe.

Jesu wa tja ku ye, Omuṭena kwoye ma penduka rukwao.

Marta a ziri ku ye a tja, Ami me tjiwa kutja eye ma penduka rukwao mombendukiro yeyuwa esenina.

Jesu a tja ku ye, Owami ombendukiro, no . . . omuinyo: ngu ma kambura mu ami, nangarire eye wa ṭu, eye ma kara nomuinyo:

Nu ngamwa ngu nomuinyo na kambura mu ami kamaa roro okuṭa. Mokambura mu imbi?

Eye wa tja ku ye, Ii, Muhona: Ami mba kambura kutja oove Kristu, Omuna wa Ndjambi, ngwa sere okuya mouye. (Nu tarera imbo!)

Indino eye tja za nokuhungira nao, eye wa yarukire, na kaisana erumbi re Maria mongumumu, ama tja, O Muhonge we ya, nu me ku isana.

² Ngatu kumbe. Tate Womeyuru, raisa owatjiri wOmambo ingo momutima wetu, mongurova indji, tjinga ama tu undju ku Ove nai. Embo Roye, Omukarere woye, nombuze, avihe twa yandja ku Ove, Mena ra Jesu Kristu. Amen.

Haame.

³ Ondando yandje yokukara imba okukondja okuvatera ovandu va Ndjambi. Ka mokukumba tjinene, nokuyambeka omake kovavere, posiya kokutja ve yenene okuzemburuka Jesu

Kristu mokati ketu, Omuna wa Ndjambi mokati ketu. Ongurova indji ete matu hungirire kepu indi: *Indino Jesu We Ya Na Isana.*

⁴ Nambano moruveze indwi ete ku matu hungirire, ya ri oruveze oruyumanise tjinene. Tjinangara ove wa rora okuresa ehungi romuinyo wa Muhona wetu, ete twa muna kutja Eye wa ri Epanga ewa komuzandu ingwi, Lazarus. Eye wa ri... Kombunda omairo wa Josef, poo, Eye wa ya neya okutura puna Marta, Maria, na Lazarus. Novo va ri omapanga omawa. Ovo va ri... Eye wa ri tjimuna omunane wombongo ku vo, Epanga ra tjiri o—o. Nu we Mu ungurira oviņa tjiva mbi ma zara, ondjasa yokuzara, Ami me kambura, ave tja, nu ya ri okupamba kumwe nokuhina okuyatata. Nu indino ve Mu tjitira oviņa, orondu ave kambura mu Ye. Ya ri va—va kamburire nu va muna kutja. Ovo va esa okereka, na vyarwe komurungu, okukongorera Ye. Nu itjo tja ri otjiņa otjinene meyuva indo, nongarire omberero ya tjo ai yenene okurira onđiro, oku—okuzapo pu yo.

⁵ Posiya, Jesu, Omundu ingwi ngwa ryanga apehe otja komahongonona wa vo, ngwa haņa ozokereka za vo, nokuhungira otjiņa otjivi ohunga novapristeri va wo, na—na vyarwe, Eye we—Eye we ve twa momuhamo tjinene, otjaave ripura. Nu—nu nongarire okuhongonona Ye ya ri oku—oku rambwa okuza mozondjuwo zomerikotameno. Nu indino tjinangara wa piti okuza mokereka, ave—ave ripura kutja ove ko tjina—ko tjina oruveze rokuyamwa. Tjinangara kaove okanepo kotjimbumba tja vo, tjimuna Ovafarisei, Ovasadusi, poo otjiņa kaani, kapari ondjamu tjinangara ove wa ri pendje na imbyo. Nu andakuzu va ri nouyara, ovipaturure, nu atja ve ku ramba okupita tjinangara mave vanga. Imbo ya ri mokuhungira kwavo oveni. Oviņambyo Jesu pa tja, “Eņe, otja kotuzo tweņu, mwa tjita kutja Embo ra Ndjambi ri rire omungandjo.” Momunu?

⁶ Nu nai tja yarukirapo rukwao, orondu atuhe matu tjiwa kutja ekuruhungi riri yarurapo orini povikando ovingi. Nu o—o otjihihamise okuhungira, posiya tja porofetwa okuyarukirapo, nu pa tjitwa rukwao.

Ete twa muna kutja Jesu keripurirwako tjinene.

⁷ Ovikando ovingi, ovandu ve vanga okupangura omundu ngu hina okukupasana na vo. Ete katu sere okutjita nao. Ete matu yenene okuhina okukupasana mokati ketu, nungwari ngarire moupanga. Tjinangara Ami hi kupasanene puna omundu, nu ngunda e mu suvere nu e mu kumbire, nu e ha kupasana na ye otj-... puna ye otja kEtjangwa, na komazuviro omasemba, indino Ami hina okuhungira otjiņa ku ye. Ami aruhe mbi vanga okukupasana na ye, moupanga, orondu Ami mbe mu suvera, nu Ami—Ami tjiri hinokuvanga kutja a pandjare. Neye wa sere okutjita otjiņa tjimwe naami; ete katuna okuvanga okupandjara. Nu ete twa sere okutwa ouripura wetu otja kEmbo pu ma ri heye. Tjita kutja Embo ri rire owatjiri. Kamahongero wetu poo

ouripura wetu, posiya Eye mbi ma hungire; kona okutoroka omuini, opombo pu pa hungirwa kEmbo uriri.

8 Ongurova yarwe, Ami mba tjita otjina kaani nu atji munika aayo okuhinondengero, Ami me kambura kutja ya ri periromuhuka rovahonge omuhuka omunene imbo warwe. Ami mba twa Jesu momarorero. Ami e tja, “Tjimuna tjaave tjiti rukuru uriri, okutja ndinondi otjinga ve tjita.” Mapeya ma rire nawa tjinangara Ami mba yaruka nawo rukwao ousupi, ndovazu tuna oruveze. Nambano, Ami e tja, ndinondi ete twa munu kutja. . .

9 Momatungururiro ya Luther, eye, moruveze indo, eye wa tja ovasemba mave hupire kongamburiro. “Omundu ngwa kambura, eye, ingwi onguna Yo.” Posiya ete twa muna ovengi mbe tja wa kambura, nave ha kara na Yo.

10 Momayuwa wa—wa Johanes Wesley, tjinangara va muna ondaya oitjavari, ave isana kutja, omeriyapuriro, omeriyapuriro ayehe, va kara nenyando nave uru. “Omundu auhe wa ura, vari na Yo.” Posiya va muna kutja kavena Yo. Ovengi vawo va ura, nu kavena va ri na Yo.

11 Omayuwa wo Pentekost, va tja, “Nambano omayarurirwepo woviyandjewa yeya, ombapitisimo yOmbepo. Ingwi ngu ma hungire momaraka, eye una Yo.” Ete twa muna kokutja ovengi ave hungire momaraka, nu kavena va ri na Yo.

12 Okutja va tja, “Osemba, otjihape tjOmbepo, otjinga tji tjiri Tjo.” Oo, kako, ka tjihape tjOmbepo. Ondjiviro yOukriste ina imbyo, airi ouzeu. . . Orusuvero otjihape tjOmbepo. Indino, novo vena orusuvero tjinene kombanda yomundu ngamwa, nu ve pašana Omasa wa Jesu Kristu; Mu isana omuporofete uriri, omundu uriri. Momunu? Okutja imbo ka tji pe tjitwa.

13 Kurama mbi kare nepuriro na imbo ominute uriri. Nga tu twe Jesu momarorero. Nu Ndjambi nge ndji isire komahungiriro inga, okuza pondongamo, posiya Ami me ka kara ouposyo na Ye oure wominute, kokutja mbi mu ete kOndjerera. Momunu?

14 “Nambano Ami imba mbina ete otjovandu ongurova; Ami me mu hungirisa. Ami. . .” (Ya ri rukuru meyuva rarwe, indu Jesu wa Nazareta tja ri kombandehi.) “Ami mbe ya ku ete, nu tu kare nouripura wouposyo ohunga nomundu ingwi, Jesu wa Nazareta. Nambano ete atuhe matu tjiwa kutja Ndjambi orusuvero. OMbeipera itja Eye otjeri. Peri nawa, nu orusuvero, Ombepo ina, omuungutima, oukozu, omuretima, oupore, na vyarwe komurungu, norusuvero. Nambano Ami me tja, Ami me vanga okukupura otjina kaani. Ete matu ka toora mbi—mbi matu tjiwa, Omukriste.

15 “Tara komupristeri woye ingwi omukurundu. Eye otjikuume-omunene-omunene-omunene we wa ri omupristeri. Eye a sokupandukwa okuzira momuze wo va Levite, okurira omupristeri. Ete twa muna, nai, eye kena omuinyo wourumendu omutanda tjimuna ete amuhe tji mwa tjita. Eye u tjita tjike? Eye

u ri punguha omuini, eye u ri kombanda imbo okurihonga Embo, Embo ra Ndjambi. Eye u pyasa mu ro, omutenya nongurova, omutenya nongurova, wa sere okutjiwa embo arihe, embo arihe membo emangwa. Eye wa sere okuritjiwa momutima. Eye—eye, otjina kaani eye tja sere okutjiwa ohunga na ro uriri.

¹⁶ “Nu tjazumba, pendje na imbyo, indu tate woye na mama woye tji va kupasanene, owani ngu we ve kuta pamwe otjomurumendu omukupe nomukazendu omukupwa? Omupristeri woye omuyapuke. Ya ri une ngwe ya ku tate woye indu eye tja ri nouhepe nu wa ri nozondjo zovimariva kaani pofarama ye, mokutja ovawonge vozondjo veyu okuikambura? Owani ngwa kurama pu ye? Omupristeri woye omukuru omuharupu. Owani ngwa kurama pu mama woye imo metuwo indu eye tje ku panduka? Omupristeri omukuru omuharupu. Owani ngu ya ku ove tji wa vere na tji u ri mouhepe? Omupristeri woye omukuru omuharupu. Owani ngwe ku sera ondaya ne ku yandja ku Ndjambi, ne ku sukariša meyuva oritjahambondatu? Omupristeri woye omukuru omuharupu. Indu mama woye na tate woye tji va ri pokuteya orukupo, owani ngu ye ve kotora pamwe, eve twa pamwe? Omupristeri woye omukuru omuharupu. Indu tji pena oumba povararanganda, owani ngu ka vatera? Omupristeri woye omukuru omuharupu. Tjiri.

¹⁷ “Nambano omupristeri ingwi omukuru omuharupu wOmbeipera ndja tja Ndjambi ma vanga ondjona otjombunguhiro. Ovengi venu ovarumendu owehe ovarumendu vongetjefa, okutja ene kamu kora ondu, nungwari Ndjambi u vanga ondu. Va twapo ozondanda tjiva imbo, ave randisa ozondu za wo kokutja o—o ovarumendu ovanangetjefa veye nu ve rande, okuyandja otjombunguhiro kominyo vyawo, Ndjambi mbye vanga.

¹⁸ “Omundu ingwi omutanda wa, isana Jesu vi? Eye wa za pi? Eye wa tja wa pandukwa, ombandukiro yehandjoze. Owani ngwa zuva oviṇa oviporoporo otja imbyo? Eṭe matu tjiwa mama we wa ri na ye rukuru nu Josef tja pandukwa, poo, eye na Josef tji va kupasanene, eye tja pandukwa. Nambano eṭe twa muna kutja eye—eye wa tjinda ena evi, okuutira imbo.

¹⁹ “Eye una okange karata kokaṇepo? Tjinangara eye wa ri omurumendu omuyapuke, eye werikwamba puna otjinge mbumba? Indu omupristeri woye tjerihongo, erihongo, erihongo, erihongo, okutjiwa Embo indo; eye ngwi we ya imba, eye ama nyono mbya tunga. Ove otjo isana imbyo ‘Ndjambi’? Kako tjiri.

²⁰ “Nambano, eyuva rarwe, indu omupristeri woye tja tuna oruveze indo kombanda imbo, o . . . nu imbo ove pu moyenene okukaranda ombunguhiro, omundu ingwi omutanda wa tjitavi? Ouharupu? Eye wa tona, atwa ozongoze pamwe, ozohirima kaani nomikova, na tara kovandu, nomazenge; avete ovitiha imbyo omise, nevetono okuvepitisa imbo. Nove

moisana imbyo ovihape vyOmbepo, okuvetara, nomazenge? Nu, tara, okuhinokuyandjera omundu koruveze rwe nda pewa okurikotamena ku Jehovah! Omurumendu omunangetjefa ma vanga okurikotamena ku Ye; eye ka tumbu ozondjona, neye wa ya imbo okukezeranda. Nu Eye we vi tungunyuna, nevi vete omise, nu weze ramba okupitisa.”

²¹ Owani nguna otjihape tjOmbepo imbo? Um-hum. Momunu? Oove ngo. Momunu, ka tjihape tjOmbepo, ka ku hungira momaraka, ka kuura.

²² Ove mo tja, “Indino, Mbuti Branham, otjiraisiro ootjine? Otjiraisiro ootjine?” Omaraisiro wEmbo moiri indji.

²³ Ovo va ri nOmbeipera. Eye wa ri ngarate otja Jehovah pa hungira kutja mape tjitwa. Kapena okuhepa ngamwa omatorokero. Imbo pa torokwa. Omupristeri woye eye ngo, ovyo mbyo avihe mbi va ri navyo, nu oviṇa vyarwe avihe mavi riyarurapo novina avihe, posiya indee kave tonene okumuna Embo. Nu Eye wa tjita kutja Embo indo rimunike kotjiwondo itjo. Iho tji tjiri otjiraisiro tjotjiwondo itjo.

²⁴ Luther wa ri notjiraisiro tjotjiwondo tje, Wesley ya ri otjiwondo tje, Pentekost ya ri otjiwondo tja yo, posiya ete turi motjiwondo tjarwe. Oviṇa imbyo oviwa. Posiya tjimuna okanatje, kena omunwe, eho, neyuru, posiya kombunda okaruveze okasupi eye wa sere okurira omundu omunamuinyo. Eye wa sere okurira o—o omuatje ngwa kuru okuyenena; tjazumba a pandukwa, a kara nomuinyo, orutu, nombepo, ma yenene okuwondja apehe.

²⁵ Nambano ete twa muna kutja, avihe imbi, Jesu wa hungira, nu oviṭiṭi uriri, owo imba uriri Eye mba zikira kOmuinyo, mbu ve Mu muna. Katjimbumba otjingi; otjimbumba tje kamaa tji vanga okukara tjimuna otjimbumba tja Kaiafas. Ongwaye, Kaiafas a tja isanena otjiwana atjihe pamwe. Jesu wa isana ovaṭiṭi uriri pamwe. Ovengi kaave Mu tjiwa. Omayovi povikando omayovi, indu Eye tje ya kombandehi, Eye wa pitira mehi, novo kavena pu va tjivirwe kutja Eye wa ri imba.

²⁶ Otjinga mape kara rukwao! Eye me ya ku imba mba isanewa kOmuinyo. Eye ma tjiwa kutja oune ngwa isanewa kOmuinyo. Nu Eye kamaa . . . Otjiungura Tje okutakamisa imbyo.

²⁷ Nambano ete twa muna imbyo tjazumba ave zamo okuza mokereka, novo vakambura mu Ye. Oviṇa avihe mbya vi hungirwa kEmbo ohunga na Ye, Eye ngo imbo.

²⁸ Nu eyuva rimwe Eye wa za ponganda yavo. Ami me vanga okuhungirira koviṇa vitatu: Jesu wa zapo okuyenda; onḍiro a i ya; nu kapari omaundjiro. Ami me vanga okuhungirira koviṇa imbyo vitatu mozominute ozonḍiṭi.

²⁹ Jesu wa zapo okuyenda. Nu indu Eye tja zapo, pa kara ounda. Nambano eye tje kwesa, poo ponganda yoye ove pu kara,

oumba ma u ya. Satana u kara nomuvero mbwa paturuka indu Jesu tja zupo.

³⁰ Eye kepo, nu otja—nu otja Eye pa tjiti tjimanga, indino onđiro otji yeya. Nu indu Jesu tjai, onđiro otjiya. Okuhanewa okuza ku Ye onđiro, okutja onđiro yeya indu Jesu tja ya.

³¹ Nu onđiro ya turire orure pu Lazarus. Nu indino Umwe ngu va ri nongamburiro mo nu ngu va suverere, va hinda ku Ye eye okukumbira Lazarus, orundu ve Mu muna nu ave tjiwa kutja Eye ma tjiwa Ndjambi, kutja, “Ngamwa, Ndjambi . . .” Marta wa raisa imbo kongotwe, “Ngamwa Ove tji moraere ku Ndjambi nai, Ndjambi ma tjiti.” Eye wa zemburuka kutja Eye na Ndjambi va ri Umwe. Eye wa ri Embo romoruveze indo, okutja eye wa zemburuka imbyo. Nu eye a tjiwa, andakuzu eye ma hakaene na Ye, posiya Eye waire nu kave yenene okuhakaena na Ye. Novo ve Mu hinda, nu, pendje na Ye okuya, Eye wa ya komurungu. Nu tjazumba ave hindi rukwao, nu, pendje na Ye okuya, Eye wa ya komurungu.

³² Oruveze rumwe tu ripura kutja ongwaye oviṇa imbyo tji vi tjitwa, posiya Etjangwa ka ri tja nai, “Oviṇa avihe vi ungurira kumwe kombwiro ku imba mba suvera Ndjambi?” Eye ma tjiwa Mbi ma tjiti. Tjinangara Eye wa wombo, imbo peri nawa. Eye ma tjiwa Mbi ma tjiti. Pari nondando.

³³ Eṭe twa muna kutja Eye wa tja, mOmuyapuke Johanes 5:19, “Tjiri, tjiri, Ami me raere eṇe kutja, Omuna ke na tji ma sora okuritjitira Omuini, posiya Eye mbi ma munu Ihe mbi ma tjiti.”

³⁴ Ingwi Ihe Eye we mu raera kutja nga yende, nu a yende oure womayuva omengi. Kombunda omayuva tji ya yenena, indino Eye a hungire Eye mbya hungira, kutja, “Epanga retu Lazarus wa rara.”

Nu eye wa tja, “Osemba, eye ma tjiti nawa.”

³⁵ Eye a tja, “Eye wa ʔu. Nu kouwa weṇu Ami mbina ohange kutja Ami kapumbari imbo.” Orundu, atjave Mu kondjisa kutja a yende ku ye, okumuverura poo okuhungira tji tja sere okutjitwa. Posiya Eye a tjiwa tji tja sere okutjitwa, okutja Eye wa tjita ngarate Eye mbya zikirwa okutjita: okukara ohumburuko. Tjinangara ove we Mu muna indu Eye tja kotoka peyendo. Eye wa raisa imbyo indu Eye tja kotoka nu a munu onganda indji.

³⁶ Kapari omaundjiro. Lazarus wa ʔire. Oiri aihe, ave ripura kutja, “Eye mapeya ma penduka. Eye mapeya ma penduka. Eye mapeya ma yandimuka.” Korusenina, eye a ʔu, omuinyo a u zamo mu ye.

³⁷ Tji va ya, a tuwa omiṭi, ave nana ombinḁu okuza morutu rwe, ave mu kutjire nombanda, ovitjatise, na tuwa omiṭi nave mu twa meyendo, ave twa ewe keyendo, ndu rwari oruzo rwa vo rokupaka momayuva ingo. Otjitoto mehi, ngahino moruuwa uriri, nu okutwa ewe kombanda ya ro, indo rwari oruzo rwavo.

³⁸ Eyuva etenga a ri kapita, eyuva oritjavari a ri kapita, eyuva oritjatatu a ri kapita, eyuva oritjaine a ri kapita, omurumendu wa uta okuworera meyendo. Euru re porumwe ra wira moukoto. Imbo, Ami me ripura kutja iho otjina otjitenga tji tji wira moukoto, euru. Nu eye wa worere rukuru. Orutu rwe—rwe rwa yarukire koruuma, rwehi, poo ma ru yaruka. Omuinyo we wari mouyenda womayuva—yaane porive, okuza pu ye.

³⁹ Omaundjiro ayehe wokumumuna rukwao, momuinyo mbwi, ka pu yari. Nu indino indu tji pe hari omaundjiro . . . Tji va undja, “Ngahino tjinangara Eye me ya eyuva etenga, eyuva oritjavari!” Kako. Tjazumba eye wa ɬa, nu Eye keeya. Tjazumba va uta okuyaraara.

⁴⁰ Kombunda okaruveze okasupi pari nomundu ngahino ngwe mu raera, “OMuhonge uri pendje.” Eyengo Marta okuwondja momuvanda!

⁴¹ Jesu we ya moiri indjo youzeu indu tji pe hina pari nomaundjiro. Imbo tjinene Eye otjeya. Momunu? Eye uriri u ya moruveze indo rwouzeu, tjazumba Jesu otjeriraisa poruveze.

⁴² Nambano tarera, Eye we ya na isana Marta. Oukarepo We wa eta omaundjiro warwe. Nongarire kutja omuzandu wa ɬire, nungwari Oukarepo We u eta omaundjiro warwe.

⁴³ Ove ngahino wa haama imba ongurova indji, panga randje, ozonganga pu ze hinokukuvatera, nokangera, nouzeu womutima. Ngahino u ri kotjihavero, waremana, ondjiviro aihe ya tja kapena omaundjiro ku ove; omatwameno womuti wa—wa ɬuna komatupa woye—woye—woye, mokutja ove kona okuyenena okuyehuta rukwao. Poo, tjimwe tjomutima woye—woye uri navi tjinene, onganga mai tja ngahino moi ngamwa ominute. Oo, nu ombunga onene yovandu mbena okangera no TB, ngahino uri momaundjiro omasenina, nu mape munika tjimuna onganga kaina ombatero okukupa. Nungwari, okukara mOukarepo na mokumunikwa pOukarepo wa Jesu Kristu, ku eta omaundjiro rukwao.

⁴⁴ Omundu mapeya a isanene imbyo mu ove. Ngahino ove koya rora okuzuva ohunga na wo rukuru, posiya ngape kare omundu a tje, “Ami me tjiwa pu pena okereka, ovo ve kambura mu Ndjambi nu ve kumbira ovavere,” tjimanga (Nambano, ove wa rongerere okuɬa. Momunu?), pa nyomoka omaundjiro warwe. Aruhe tji pe kara. Moruveze indo rouzeu, tjinene imbo omundu otje hungira ohunga notjina iho kaani, ekuraere ohunga na Jesu. Imbwi Oukarepo we wa eta omaundjiro yarwe.

⁴⁵ Ngaye tjite otjina tjimwe ongurova, tjimuna tji ya tjiti ongurova ndja zuko. Indu ete tji twa munu Embo indo nda tjiukisiwa hemandina na ngamwa otjizire tjomakeyakeyero, nda raisirwa, na ri raisirwa kutja Jesu *ingo* ngwa hupire ozombura umurongo namuvyu nda kapita, ngwa ɬira ku Calvari, wa penduka meyuva oritjatatu, nu eriraisa kovahongewa imbo

na paturura omeho wa vo, na tjiti ongwizikiro indji yeyuva, urimba ongurova moukarepo wetu nai, opo mape eta omaundjiro kovandu. Omaundjiro warwe nge riraisa.

⁴⁶ Ngahino omundu wa tja, “Okereka kaṭiṭi ya kukuta koruveze orure. Katuya kara nomeva omawa ko—ko—koure womieze omiṭiṭi. Katuya kara nomasa omape. Mape munika tjimuna ovandu avehe va mbirire, poo otjiṇa kaani tjarwe. Eṭe tuyenda kokereka nokukaimbura etangero uriri, no—nokupuratena ozombuze ozonḍiṭi nokuyaruka.” Posiya tjimanga, indino, indu tji twa utu okukukuta, indino Jesu otjeya okurimunikisa, okuya okutututumuna, a eta otjiṇa kaani otjipe ku eṭe. Eye aruhe urimbo okutjita nao. Omaundjiro warwe yeya indu—indu Jesu tjeya. Oukarepo We u eta omaundjiro warwe.

⁴⁷ Eye a tjiwa kutja Eye wa ri Embo indo ra Ndjambi nda raisirwa. Eye wa muna otjiwondo itjo. Poo, eye tjinangara ka tjitire, eye indee a tja rira owOhiviriko osemba. Eye indee a tja rira owini wokereka. Posiya eye wa muna Embo indo ekwizikwa. Eye wa muna Embo indo nda kwizikwa ra tjiukisiwa ku Ye nu eye a tjiwa kutja Eye wari Embo indo enamuinyo. Nu indu eye tja zuva ohunga na ro, eye kari nokonatja kutja ivengapi mbu ave mu nyekerere, naiye, eye wa tupuka tjimanga mena Re otja eye pa yenene. Momunu? Eye a tjiwa kutja Eye wari Embo indo nda tjiukisiwa.

⁴⁸ Nokuhina ombata posiya eye mbya resa ohunga nehungi ra Elia momayuva we. Nambano, eye wari Embo ra Ndjambi nderitjiukisa meyuva indo. Eye wari omuporofete, nu Embo ra Muhona ri ya komuporofete. Nu pari nomukazendu moukoto imbo ngwari nokanatje okaṭiṭi ku ka yandjewa ku ye otjondaya omuporofete ke mu serera ko ondaya, neye a kara nomuatje.

⁴⁹ Eyuva rimwe, oiri ape omurongo naimwe, eye mapeya wa kara norusenge womutenya. Eye waire korutjandja rovikunwa puna ihe, Ombeipera ka i tja yari, i tja yari orusenge womutenya, posiya eye wa uta okurira, “Otjiuru tjandje! Otjiuru tjandje!” oiri ape omurongo naimwe momahatenya weyuva. Nu eye wari nomukarere, ihe wa tjita kutja, e mu tware konganda. Eye wa rara kombanda omatumbo wa ina ngaa kuṭa kometaha, a verereko nokuvererako, nu korusenina a ṭu.

⁵⁰ Nu nambano, pendje nokuuta okuyaraara, o... ovararanganda avehe veyu amave uru nokuhinokuritjinda, posiya ina omupore ingo, okanatje ke kaṭire, eye wa twara kombanda metuwo indo eṭiṭi eye nda yandjere komuporofete, nu e mu rarisa kombanda ombete ye, ku *nao*. Nu eye wa tja komukarere, “Ndji rongerisira otjimori, nove u kavire ongarate, nu ororo okukurama ko ngandu indi Ami tji mba tja *nao*.” Oo, mbuae! Opuwo *nao*!

⁵¹ Eṭe katuna oruveze rombatasaneno nokuunauna. Imbi ka vyeyuva indo. Ngatu yende komurungu. Eṭe twa sere okukavaza

imbo. Eŧe tuna ouhepe.

⁵² Nokutja eye a tja, “Ove twende komurungu, nu ororo okuyarukako ombunda ngandu indi Ami tji mbe ku raere nao.” Nu vaya ngandu indi tji veyu pu Elia.

⁵³ Elia, eri omundu wa Ndjambi, keru tjimuna Kristu; Kristu a tjiwa ovina avihe, orundu Eye wari Ndjambi. Elia wari norupa mu Ndjambi. Imbo yari Kristu mu Elia. Nu indjo yari ombuze yomoruveze indwi, orundu Embo ra Muhona moruveze indo rari puna omuporofete ingo.

⁵⁴ Jesu wari omeurisiro wovaporofete avehe imbo, auhe kouwwe ave Mu tjiukisa uriri. Ovyo imbyo avihe. Okuza ku Josef, okuza kozoselveri omirongo vitatu, apehe, eye—eye a raisa Kristu. Oopu Mose!

⁵⁵ David, a haama otjombara ndja humbirwe kombanda omutumba, ama riri motjimbe tjokutja eye wa humbirwe. Ozombura omasere hambondatu kombunda ya nao, Omuna wa David wa haamene kombanda omutumba. Imbo yari Ombepo ya Kristu mu David. Nu Eye. . . Mbuae! Eye wari avihe Omuze nOrukwato rwa David. Nokutja Eye wa haamene kombanda omutumba, ama riri, otjOmbara ndja humbirwe, “Jesrusalem, Jerusalem, itungapi Ami tji mba vanga okuwonga ovature voye avehe, tjimuna ondera ondenđu tjinga a i wongere ouzerona wayo kehi.” Yari otjikwaye? Yari Kristu ngwa kotoka imbo.

⁵⁶ Yari Kristu ngwa riri indu David tja tjanga etangero, “Ndjambi Wandje, Ove we Ndji esire tjike? Omaŧupa Wandje ayehe, maye Ndji tara. Va twera ozombaze nomake Wandje. Va haŧasana ombanda Yandje mokati kavo. Ave veterere kombanda Yandje.” Ingo yari Kristu ngwa hungirire mu David. Imbo otjiperi. Eye wari omeritjiukisiro wEmbo. Kristu we ya okuyenenisa ovina mbya hungirwa i ovaporofete, orundu Embo rari puna ovaporofete.

⁵⁷ Eye wa tjere nao mepu erero ongurova, kutja Eye we ya okuyenenisa imbi ovaporofete mbi va hungira ohunga na Ye, orundu ovo vari nEmbo. Nu Elia wari omuporofete wa Ndjambi, Embo roruveze indo.

⁵⁸ Okutja omukazendu omuTjunema wa kara puna omuporofete ingo ngandu indi eye tjeya nu a tjiukisa omasa ya Ndjambi, neye okutwa orutu rwe kokanatje, nokanatje ake kotoka komuinyo.

⁵⁹ Nambano Marta mapeya wa zemburuka imbi, nandarire eye wari notjiungura tjokutjevera ondjuwo, okukoha ovitjuma, na vyarwe komurungu. Posiya imbo eye wa raisa otjivara tje. Eye tjiri wa raisa tji tjari mu ye. Eye tjimanga waya okuke Mu tjakanena. Tjinangara Ndjambi wari mu Elia, Ndjambi a sokukara mu Kristu, orundu Eye wa raisa kutja Eye wari Omundu ingo. Amen. Ami imbo mape ndji tjtatere, ondyero indjo! Eye waya ku Ye. Eye wa sere okuyenda ku Ye. Neye

imbo pa ka munina, eye tjinga a vaza pu Ye—pu Ye; nambano zemburuka, a tjiwa kutja Eye keya rora okurunduruka, Ndjambi ingo karoro okurundurura omuhingo We. Tjinangara Eye wari mu Elia nu a yenene okupendura ovaṭi, Eye wari mu Kristu nu a yenene okupendura ovaṭi, nandarire Eye ka tjitire ko, orundu Eye oNdjambi umwe.

⁶⁰ Eye keya rora okurunduruka nandarire kaṭiṭi! Ngunda Eye tjinene oNdjambi ongurova indji uriri tjimuna tjaari. Eye iumwe erero, ndinondi, ngaaruhe. Eye ka runduruka ko.

⁶¹ Nu Eye a tjiwa eye atjiwa kutja tjari mu Ye. Tarera, pa raisa nao mozominute ozonḍiṭi uriri, indu eye tja hungira otjiṇa kaṇi ku Ye ohunga na mbuti we, neye wa tja, “Muhona, Ami—Ami me kambura kutja Oove.”

⁶² Nu Eye wa tja, “OwAmi Ombendukiro nOmuinyo. Nandarire kutja eye waṭu, eye ma kara nomuinyo. Nu ngamwa auhe ngu nomuinyo na kambura mu Ami kamaa ṭu ko. OwAMI.” Ingo owAMI ingo ngu mbari motjimbuku tja tji pyi, puna Mose. “OwAmi Ombendukiro. OwAmi Omuinyo. Ami mbari Ekuma. OwAmi ngu mbiri Ye ngunda. OwAmi Ombendukiro nOmuinyo. Ingwi ngu ma kambura mu Ami, nandarire kutja eye waṭu, nungwari eye ma kara nomuinyo. Ngamwa auhe ngu nomuinyo na kambura mu Ami, kamaa ṭu ko.” Kombunda ongwizikiro onene indji eye ndja ri nayo, kutja Eye wari Embo ekwizikwa; indu Eye tja tja, eri Omuporofete, Eye ka yenene okukora ovizeze; mu nao Eye, indu Eye tja tja, “Ami owAMI. OwAmi Ye nguri Ombendukiro nOmuinyo.”

⁶³ Eye wa tja, “Ami me kambura kutja Oove nguri Umwe, Omuna wa Ndjambi ngwa sere okuya mouye. Nandarire mbuti wandje wa ṭu, ngwa rara imbo meyendo, eye. . . orutu rwe rwa woro nai; posiya nandarire nai, ngamwa atjihe Ove tjimohungire, ma tji tjitwa.” Osemba!

⁶⁴ Eye avihe mbya vanga yari okuMuzuva ama hungire wo! Amen. Oo, Marta, eṭe turi pi ongurova? “Hungira Embo uriri; omukarere wandje ma hupu!” Mu puratena Eye tji ma hungire! Porumwe vey a okumuraera kutja Eye ngwa hungire, posiya Eye ngwi Omuini. O Ndjambi, paturura omeho nga poṭupara, kokutja ve yenene okumuna! Indu Eye, mOukarepo We, tja hungire Embo, aruhe ri tjiukisiwa.

⁶⁵ Eye wa tja, “Ngamwa Ove tji moningire ku Ndjambi, Ndjambi me Ku pe. Ndji yandjera uriri mbi zuve!” Eye a vanga kutja Eye a hungire Embo. Imbyo avihe ombya vanga okuzuva. Okuzuva Embo uriri, imbyo eye ombya hepa, yari okuzuva mu Ye kutja Eye ma tjititi.

⁶⁶ Nu indino Eye a tja tjitira imbo, posiya, ove momunu, otja kotjirimunikise Eye Ihe tjemuraisire, Eye wari a sokukurama peyendo. Oo, mbuae! Kara nongamburiro yoye! Ndjambi oviṇa

avihe ma tjiti osemba. Mape kara nawa. Undja uriri ngandu indi eye tjeya peyendo.

⁶⁷ Tara, eye a yenene okutjita kutja Eye a hungire ro, nandarire ngunda eye ari. . . Kapena omaundjiro oparukaze, oviṇa avihe. Eye wa țire, wa worera meyendo, posiya Mu zuva a hungire ro, eye mbya vanga okuzuva oparukaze.

⁶⁸ Nambano indu Eye tja tja, “OwAmi Ombendukiro nOmuinyo,” eye wa kambura mo. Eye wa kambura mo. Nambano tara, nambano eye a sokukambura mu imbi mbi mavi sorwa okutjitwa, indu eye tje Mu zuva ama tja, “OwAmi Ombendukiro nOmuinyo. Nandarire eye wațu, nungwari eye ma kara nomuinyo, nu ngamwa auhe ngu nomuinyo na kambura mu Ami kamaa țu ko.” A tja, “Ove mokambura imbi?”

⁶⁹ Neye a tja, “Ii, Muhona, Ami me kambura mo. Ami me kambura kutja Oove Omuna wa Ndjambi ngwari a sokuya mouye.” Ami imbo mape ndji tјatere. Ami imbo mape ndji tјatere.

⁷⁰ Ami—Ami mba hungira imbi rukuru. Mapeya ape kara nao rukwao. Ami mbari ame hungire puna omukazendu ka rukuru tјinene, yari okereka yorive Ami ndji mba tamuna oruveze orusupi ndwa kapita, ndji ha kamburako kutja Eye wari Ndjambi, Omasa We; Eye wari omuporofete uriri, omundu uriri.

⁷¹ Eye wari nao, tјiri. Eye wari nao, oweza ko Ndjambi. Momunu, Eye wari omeritјiukisiro. Jesu orutu, Omuzandona, Omundu; Ndjambi wari imbi mbya turire mu Ye. Ndjambi wari mu Ye. Eye wari Ndjambi-omundu. Eye wari Omundu, nungwari Eye eri Ndjambi ngwa tјiukisiwa monyama. Indu ețe tјi twa munu Jesu, twa munu Ndjambi. Imbyo Eye mbya hungira, “Indu ove tјi wa munu Tate. . . tјi we Ndji munu, ove wa munu Tate.” Orondu, Eye wari otјiraisiro, motјimbe tјokutja Eye wari Embo, amen, oro rari mombutiro. Amen.

⁷² Eye a isana ovaporofete, “ndjambi.” Ove motјiwa imbo? Eye wa tja, “Eņe ve isaneye ‘ndjambi’ ingwi ku kuya Embo ra Ndjambi. Hapo ove mo Ndji pangurireye indu Ami tјi me tja, ‘OwAmi Omuna wa Ndjambi?’”

⁷³ Orondu, Embo indi nda tja Eye ma kara imbo, nu Embo orondo ra tјiukisiwa rukwao. Nu ngunda kavena okukambura mu ro.

⁷⁴ Omukazendu ingwi wa tja nai ku ami, “Ami me yenene okuraisa ku ove.” A tja, “Ami mba suvera okupuratena komazubarisiro woye, posiya pena otјiṇa tјimwe ove tјi u tјita tјinene.”

“Osemba, otјikwaye itјo?”

A tja, “Ove u rihivira tјinene mu Jesu.”

⁷⁵ Ami e tja, “Ami mekambura kutja imbyo Eye ombi ma karere ouposyo naami indu Eye tјi meya.” Nu eye a tja. . . Ami mba

tja, “Ami mekambura kutja imbyo Eye mbi ma yenene, oondjo Eye ndji ma yenene okumuna mu ami.” Ami e tja, “Andakuzu Ami mbari nomaraka omayovi omurongo, Ami he tje hungira okuyenena, oo, mbuae, Eye otjeri!”

Eye a tja, “Posiya, ove, ove u Mu tjita kutja a rire Ndjambi.”

⁷⁶ E tja, “Eye wari. Poo, tjinangara Eye ke yari ye, Eye wari omupukise omunenenene ngu hina wa munikirwe mouye.”

Eye wa tja, “Eye wari omuporofete.”

⁷⁷ Ami e tja, “Eye wari Omuporofete, imbo owatjiri: Ndjambi-omuporofete, omeurisiro wEmbo. Omuporofete wa yakurire Embo uriri ri ye ku ye, imbyo mbye mu—vye mu tjita kutja arire omuporofete. Posiya Eye wari omeurisiro wEmbo indo.”

⁷⁸ Neye wa tja, “Ami me yenene okuraisha ku ove.” A tja, “Ove u Mu tjita kutja arire Omunamasa.”

Ami etja, “Eye wari Omunamasa.”

Neye a tja, “Eye kamaa rire Omunamasa.”

Ami e tja, “Eye. . . Posiya Eye otjari.”

Eye a tja, “Ove wa tja u kambura mOmbeipera.”

Ami e tja, “Ii otjiperi.”

⁷⁹ Eye a tja, “Ami me raisa ku ove, nOmbeipera yoye omuini, kutja Eye kari Omunamasa.”

⁸⁰ Ami e tja, “Tjita nao. Tjinangara Ombeipera ya tja nao, indino Ami me kambura mo, orundu Ami mekambura kutja Embo riri osemba.”

⁸¹ Eye wa tja, “Mondjira okuza okuyenda keyendo ra Lazarus, ove mozemburuka imbo mOmuyapuke Johannes o11?”

Ami mba tja, “Ami tjiri metjiwa, serekaze.”

⁸² A tja, “Osemba, nambano, mondjira okuyenda, Eye a riri. Ombeipera ya tja, ‘Eye a riri.’”

Ami e tja, “Tjiri, Ombeipera ya tja Eye a riri.”

A tja, “Hapo Eye ma rire vi Omunamasa nu a riri?”

Ami e tja, “Eye wari omundu.”

“Omundu nu Omunamasa?”

⁸³ Ami e tja, “Ii, serekaze. Ove mo munu oungeundi. Eye wari o—o omundu ngwari imbo, ngwa riri imbo puna imba mbu ave riri, imbo otjiperi, nomutjemo puna imbo mbari moruhoze. Eye wari omundu. Posiya indu Eye tja kuramisa orutu Rwe oruti, ndwa ngundipara osemba, ‘Lazarus, penduka u pite,’ nomundu ngwa tire oure womayuva yane, wa kurama kozombaze ze. Itjo tji tjitwa komundu nguri kombanda youndu, imbo yari Ndjambi mOmundu.” Owani ngu ma pendura ova, posiya Ndjambi? Eye Ombendukiro nOmuinyo! Imbo otjiperi.

⁸⁴ Ongurova indjo pendje momuronga, indu Eye tja ri imbo, ngwaurwa, wa rarere kongotwe motjitendeze, ozombepo ozombi omayovi omurongo pu za yana kutja maze Mu zepa nomeva ongurova indjo, nu otjitendeze ho otjitiṭi a tji tendeza tjimuna otjikamo tjekende kombanda omuronga wotjivepo. Ozombepo ozombi a ze ripura kutja, “Eṭe twe Mu kambura nai. Eye wa rara; eṭe matu tjiti kutja ombunga aihe i ṭomwine.” Oo, Eye wari omundu, ngwaurwa, posiya indu tja penduka, Eye wa yata ombaze Ye kombanda ongoze, nu a tara kombanda na tja, “Porimana, hirimana,” nu ombepo nozongazona ze Mu zuvira. Imbo yari kombanda youнду.

⁸⁵ Eye wari omundu indu Eye tja ṭondjara, weya pehi okuza kombanda ondundu, ama paha otjeive yomboroto poo otjina kaani okurya, poo omukuyu okuza komuti. Posiya indu Eye tja toora ovimbiskiti vitano nomahundju yevari, nu a hire omayovi yetano, imbo yari Ndjambi mOmundu ingo. Imbo otjiperi.

⁸⁶ Oo, omundu auhe ngwa vaza nga pomutumba wokurya omakunde u kambura nao, ovaimbe avehe mbe kambura imbyo. Oviṇambyo umwe tja tjanga:

Mokuhupa, Eye we ndji suvera; na monḍiro,
Eye we ndji yama;
Mokupakwa, Eye wa isapo omaurunde wandje
kokure;
Mombendukiro, Eye wa sembamisa oukutuke
aruhe:
Eyuva rimwe Eye meya—oo, eyuva ewa!

⁸⁷ Eddie Perronet, omaimburiro we kaaye randwa ko. Eyuva rimwe, wari kehi youhonapare wOmbepo Ondjapuke, a toora otjitjange, eye wa tjanga eimburiro romazikiro, indu eye tja tjanga:

Omasa ayehe yena ra Jesu!
Ovaengeli nga ve ye nouhonapare;
Eta otjikorone tjouhona komurungu,
Muzara Otjikorone Muhona waavihe!
(Hallelujah!)

⁸⁸ Tjiri, eṭe tu kambura kutja Eye otjari nao. Ii, mutengwa.

⁸⁹ Eye wa sere okukambura mu imbi mbi mavi sora okutjitwa nai, kouripura wa kandino womayuva ingo. Okutja ove wa sere okukambura mu imbi mbi mavi sora okutjitwa, okumuna Omuinyo warwe, okumuna otjina kaani tji ma tji tjitwa. Posiya tjinangara Eye wa zemburuka . . . Eye we Mu zemburuka otjEmbo, indino imbi mavi sora okutjitwa, orondu Eye onguri Omumeme, nu ma kuramenepo oviṇa avihe Eye mbya hungire.

⁹⁰ “Nu oviṇa avihe mavi sora okutjitwa ku imba mbu mave kambura.” Indo Embo Re. Posiya mbi mavi sora okutjitwa vi tjiukisiwa indu Ndjambi tja toorerwa kEmbo Re. Ii, mutengwa. Indu Ndjambi tja toorerwa Kembo Re, imbi mbi mavi sora

okutjitwa vi—vi tjiukisiwa. Indu Ndjambi tja tja otjimape kara, indino ove toora Embo indo nu u tarere kutja, mavi sora okutjitwa. Tjiri mavi tjitwa.

⁹¹ Posiya tara, nandarire mu imbyo avihe, eye wa tja, “Nandarire nai, Muhona, ngamwa Ove tji wa ningire ku Ndjambi, Ndjambi otji ma tjiti.” Eye a tjiwa kutja eye ma yenene uriri okueta Embo indo okuza ku Ye. Imbyo avihe eye mbya hepa okutjita, yari okueta Embo indo. Ii, yari oruveze rwe rwouzeu, nu Jesu otjeya nu a isana. Oo, va muna otjina otjinene, ombendukiro!

Ngatu tare ku tjiwa ovingi mbya eta oruveze rwouzeu.

⁹² Pari nomurumendu otjikando tjimwe, wena Job, umwe wovaporofete ovakuru mOmbeipera. Eye wari omurumendu omuwa. Eye wa—eye wa suverere Muhona, neye wa tjita avihe eye mbya tjiwa okutjita. Nu Satana wa vangere okumura, okutja eye wa tja ku Ndjambi eyuva rimwe. . . Ii, Ndjambi wa tja ku ye, ngahino, “Ove mo zu pi, Satana?”

⁹³ Eye wa tja, “Oo, me ryanga okuyenda-no-kuza nokombanda-no-pehi yehi.”

⁹⁴ Eye a tja, “Ove hapo wa tara komukarere Wandje Job? Kapena umwe otja ye kombanda yehi. Eye omurumendu omusemba.”

⁹⁵ “Oo,” eye a tja, “tjiri, Ove u mu pa ovin̄a avihe, omutjitire ovin̄a avihe. Tjiri, eye omurumendu omuwa. Posiya nga yandjewe ku ami otjikando tjimwe, Ami me rundurura ombosiro. Ami me tjiti kutja a senge Ove, momurungu woYe.”

⁹⁶ Eye wa tja, “Ove komoo tjiti.” Indjo oongamburiro Ye momukambure. Ongwaye? Eye Kenomaandero. Eye Ongaaruhe. Eye ma tjiwa omaandero okuza kombutiro. Eye a tjiwa kutja Satana kamaa tjiti. Orundu, Eye onguri Embo, Eye a tjiwa imbi Job mbi ma yenene okutjita.

⁹⁷ Nambano, zemburuka, Job, eye we mu rwise novirwanga, a zepa ovanatje ve, a isapo ovin̄a avihe eye mbyari navyo. Wa isapo ouveruke we. Nangarire ovahuhumine ve veyu, nu kave yenenene okutjita otjina posiya ve mu kuminina kutja wari omurunde mongumumu. Nu Job we ya nga poruveze eye pa kara momerikendero tjinene.

⁹⁸ Ove wa sere okuhita momerikendero, rutenga. Ove wa sere okuya poruveze ove puuri komaandero wondjira.

⁹⁹ Job we ya pomaandero wondjira, indu eye tja tja, “Nga ri sengwe eyuva Ami mu mba kwatwa. Eyuva nga ri roro okuyera, nu omueze nga u roro okuyera ongurova, ena nga ri roro okuisanewa.” Nu momerikendero ingo, indino Jesu otjeya okurimunika. Eye wa tara pehi, nu eye a tja, “Ami memunu, otjomundu, otjimboroma tji koka, nu a tji nyomoka rukwao moruteni. Tjinangara omuti wa wisiwa kombepo, owo u kotoka

okukara osemba rukwao momuṇuko womeva.” Eye wa muna ounamuinyo womiti avihe a viri ovinamuinyo rukwao, posiya wa tja, “Omundu u rara, eye a koka, eye uri pi?” Eye a tjiwa kutja eye wari omukurundu. Eye a tja, “Ovanatje ve a veyo okukara noruhoze kombanda ye, neye ka undjire ko. Oo, Ove ndji horeka meyendo nu u ndji tizire moruveze oruundikwa, ngandu indi omazenge woYe tji yau pehi. Ndjji toororera oruveze nu ndji twira oruveze. Eṭe twaya...” Nu twa kawondja nao, ama tu hungire. Eye wari komaandero, womerikendero we, “Mape kara ye? Oviyao vina omuinyo, vi nyomoka rukwao komuti, ozongara ze nyomoka rukwao, oviṇa avihe vyarwe tji vi ya, posiya omundu u rara na koka!” Eye wari momerikendero. Eye ka tjiwa kutja ngahino mape tjitwa ye ku ye, neye motjiwondo itjo.

¹⁰⁰ Indu eye tja tjita, indino Jesu we ya okurimunika. Ndjambi wa yera otjiuru tje keyuru, neye a muni Jesu ngu meya momayuva omasenina.

¹⁰¹ Moruveze indo rwouzeu tjinene indu omukazendu we tja tja, “Senga Ndjambi nu u ṭe onḍiro,” nungwari eye wa tja, “Mukazendu, ove mohungire tjimuna omukazendu eyova. O Muhona ngwe tupa, nu Muhona ongwa isapo, Ena ra Muhona nga ri serwe ondaya.” Nandarire omukazendu we wemu humba. Okereka ye yemu humba. Ovandu avehe vemu humba.

¹⁰² Moruveze indo rwouzeu, eye pe hina a tjiwa kutja ma i pi okuza imbo, Jesu we ya okurimunika. Tjazumba eye okuravaera, “Ami me tjiwa Omukutire wandje okeri, nu momayuva omasenina Eye me ya kombanda ehi. Nokutja omativa ya zu nokunyona orutu indwi, nungwari monyama yandje Ami me muni Ndjambi, Ngu Me ri munine omuini.” Moruveze rwe rwouzeu, indino Jesu we ya okurimunika. Ii, mutengwa.

¹⁰³ Mose, orundu Mose, oruveze rwouzeu rwe ya ku ye moIsrael. Eye wari moruveze rotjiungura; wa hakaena puna Ndjambi kombanda imbo motjimbuku, na tja, “owAMI NGU MBIRI AMI.” Eye waya nu a pitire mokurwisa ngamwa otjiwova tja Janes na Jambre, mokukondja okuungura otjiungura tje motjiwova. Avihe imbi, eye wa kurama mowatjiri ku Ndjambi. Eye korusenina wa tjita kutja oIsrael tji kambure. Nu eye ngwi ma zu moEngipte, mai ko—ko kehi ekwizikwa, imbo Ndjambi pa tja, “Ove morikotamene ku Ami kombanda ondundu indji.” Indo rari Embo ra Ndjambi. Mose a tjiwa kutja wa sere okuyenda kondundu indjo. Amen. Ndjambi wa tja nao! Kapena Farao ngu ma yenene okumuzepa. Kapena ombepo ombi ndji mai yenene okumuzepa. Kapena otjina tji ma tji yenene okumuzepa. Eye me ya kondundu indjo. Amen! Hallelujah! Ami merimuni oukoto motjiungura tjongamburiro. Eye mai kondundu indjo.

¹⁰⁴ Okutja eṭe turi mondjira yetu okuyenda kOuyere! Kapena otjina tji ma tji tu tjaere. Kako, mutengwa. Ndjambi ma ka

raisira Embo Re. Ami hina konatja kutja pa kara ye, Eye otji ma ka tjita, mu ngamwa omuano. Ii.

¹⁰⁵ Mondjira ye, imba mondjira yotjiungura. Eye ingwi uri mba, wa koverwa mokati kozondundu. Eye wa puratena na zuu omungunda kongotwe ye. Otjikwaye? OFarao nomatembera wovita, omayovi, vey; noviumbe, nomanga novina, okuverambera nokuve yatera pehi. Omuronga wOtuu owombo, ombu we mu tjaera. Eye wa tjitavi? Eye wa hita mo-... Eye wa hita momerikendero. Ovandu avehe mbu ave uru, "Oo, efe turi mounba nai. Farao me tu zepa, metu twere nomangatuvyo twe. Ounatje wetu mau fire imba mokuti ongaango."

Mose weri hekena, "O Ndjambi!"

¹⁰⁶ Nu tjazumba Jesu we ya okuriraisa. Eye wari Orururumo rOmuriro. Imbo otjiperi. Eye weya pehi nEye eri tyakana pokati ke noumba. Amen. Eye Onguuya-pokati ketu. Eye ngu Kurama-pokati, amen, Omuhanganise. Eye ngo wa kurama, wa kurama imbo; onforera kova Engipte, imba mbave ya okuvanga okuyekutjita otjina kaani ohunga na imbo. Eye wari Ondjerera ku vo, okuwondjera ko. Tjazumba omuhuka omunene indu ombepo tji ya uta okuhinga tjinene, ongurova indjo, indino Eye wa tjitavi? Eye weya momuhapo wOrururumo rOmuriro.

¹⁰⁷ Zemburuka, Eye ngunda Orururumo rOmuriro imbo. Ii, mutengwa. Indu Eye tjari kombanda ehi, Eye wa tja, "Ami mba za ku Ndjambi, nAmi meyaruka ku Ndjambi."

¹⁰⁸ Nu kombunda ondiro Ye, ombakero, ombendukiro, nomarondero keyuru; Omuyapuke Paulus, mondjira okuyenda ko Damascus, eye wa kundwa pehi i yOrururumo rOmuriro imbo. Zemburuka, eye wari omuHeberi. Eye ka tja hungira imbi... Eye wa tja, "Muhona, Hapo Oove uxe?" M-u-h-o-n-a Oretera otjiuru, Elohim. "Hapo Oove uxe Ami ngu mbi tatumisa?"

Eye wa tja, "owAmi Jesu."

¹⁰⁹ Amen! Hallelujah! Eye Omutenga nu Omusenina. Eye ngunda iumwe. "Inga pa sewa okaruveze okasupi nouye kau tji no ku Ndji muna rukwao, nungwari ene mamu Ndji munu. Ami me kara puna ove, nandarire mu ove." Orururumo rOmuriro umwe, oNdjambi umwe ngu ma tjiti otjina tjinwe, nongwizikiro imwe, amen, ma tjiti kutja Embo Re ritjiukisiwe. "OwAmi Ombendukiro nOmuinyo. OwAmi Ye ngwaRi, Eye nguRi, nEye ngu Meya." Ii, mutengwa. Ii.

"Ootate vetu ave ri omanna mokuti onguza."

¹¹⁰ Eye wa tja, "Ovo, avehe, va koka. Posiya, AMI owAMI NGU MBIRI AMI." Mose... Motjimbuku tja tji pyi, imbo yari AMI. Eye ngunda otjeri AMI, ka Tji mba ri; owaAMI, orupeveze, oruveze aruhe.

111 Eŧe twa muna imba kutja Mose wa yaruka rukwao motjikoro itji, nu Kristu weya pehi. Nambano, nOmbeipera ya tja nao, kutja, “Mose wa tengere o—o ondatumisire youtumbe ouingi wa Kristu kombanda ovihuze vya Engipte.” Ondatumisire ya Kristu! Kristu wari Omatwirisiro, Embo nda za mu Ndjambi. Omuengeli, ngamwa omurese wOmbeipera ma tjiwa kutja Omuengeli ingo wari Kristu. Nu Eye ingo wari mokuti onguza, nu Eye we ya okuritjiukisa, momuhapo Eye mba sere okuritjiukisa mo. Ndjambi nga Hivirikwe!

112 Eye ndinondi we ya momuhapo, Kristu umwe, meritjiukisa.

113 Eye we mu raera kutja Meve pitisa. Eye otja tjiti. Eye ngo we ya okukuramenapo Embo Re, okuraisa Ro. Indino kombunda ya indu Eye tja za nokuya, tjimuna Eye tja tjita ku Marta, indino Eye wa isana. Eye wa tja, “Mose, ongwaye ove tji mo riri ku Ami? Hungira kovandu imba, kutja twendeye komurungu.” Moruveze indo rwouzeu, Omuronga wOtuu wa paturuka pokati nave kawondja okukapita, nouyenda wa vo okuyenenisa Embo ra Ndjambi. Ii, moruveze Mose tja ri mouzeu, indino Jesu we ya okurimunika. Eŧe tuna oruveze nai . . . Nu Eye wa isana Mose.

114 Eŧe matu vanga okunana ombango yoye komundu warwe omuŧiŧi. Ena re yari Jairus. Pena ovengi vawo mouye ndinondi. Eye wari omukambure mongumumu. Eye wa suverere Jesu. Eye wa zuva ohunga na Ye. Eye wa kamburire mu Ye. Posiya, ove momunu, eye wari okaŋepo kombongo rukuru. Ii. Eye—eye—eye—eye uriri. . . Eye ka yenene okupita nokurihongonona. Eye wa kamburire ro, posiya ka yenene okurihongonona, okutja eye wari okaŋepo rukuru puna ovahakambure. Posiya eye tjiri wa kamburire.

115 Ove motjiwa, indu omundu tja hara ongaro indjo, oruveze rumwe Ndjambi u mu yeta komeriraisiro. Omomerikendero otji tu raisa otjivara tjetu, otja tji tu ri tjiri.

116 Okutja eye ngo, eye wari okaŋepo rukuru puna ovahakambure, nu eye wa ya ingo nu wa mana okutwa ena re kembo, na vyarwe komurungu. Nu eye wari omupristeri, nokutja eye—eye yari ouzeu uriri okukara nomahongonona, orondu ingo kari okatekete ke komaryo we. Okutja, eye ngunda wa kambura mu Jesu.

117 Eyuva rimwe, okanatje ke okakazona ka verere. Oo, mbuae. Eye, nokuhina ombata omundu, tjinangara eye . . . ku nao, a sokuisana onganga. Onganga yeya, a i panga omuatje. Oupyu we a u rondereko nokuronderako. Katjisupi eye oupyu tji wa ronda tjinene, novina avihe, eye wari popezu nokukoka. Eye wari momerikendero. Eye a sokutjita otjina kaani. Eye—eye ka tjiwa uriri kutja nga tjitevi. Nambano eye eripura, “Andakuzu Ami me Mu munu, ngamwa apehe Eye pe ri.” Nambano eye ka undjireko ngandu indi tji kwa toka, tjimuna Nikodemus tja tjita,

okukara nomapuriro wa peke. Oruveze rwari orwotjiungura, oruveze rweya rwotjiungura neye indino wa sere okuungura.

¹¹⁸ Nu Ami meripura, mbuti, sisi, oruveze rumwe nai. Oruveze rweya rotjiungura. Oruveze rweya rwokukambura poo okuhina okukambura ko. Omukoka imbo wohani u ya komurumendu nomukazendu auhe. U ya komuatje auhe. Oruveze rumwe indu tji wa kondo omukoka imbo, pesewa otjina tjimwe uriri, indjo ombanguriro, indu ove tji wa kondo pokati kotjari nombanguriro, indu ove tji wa kondo omukoka imbo.

¹¹⁹ Zemburuka, eye wari momerikendero. Eye ka tjiwa kutja nga tjitevi. Omupristeri we eye ngo wa kurama, ovahonge avehe va kurama ongondoroka na ye. Oruwano rwari pu ye, avehe pehi imbo, ave tarere okanatje ke okatiŋi okakazona ku make ŋu. Onganga ndja kurama pendje, ngwa hutu omake we kumwe, womake ngu maye zezera, “Ami mba yandja omuti auhe Ami mbu me tjiwa, nu ngunda . . .”

¹²⁰ Momunu, yari Jesu ngwa ungurirepo oruveze aruhe. Jesu a tjiti imbi nondando, okuraisa otjivara tjomundu omutiŋi ingwi. Katjisupi, Ami mbe mu muna ama i okukaeta ekori re ezorondu nu okurizara, okuzara ondjasa ye onŋiti youpristeri.

“Ove moiŋi?”

¹²¹ “Ami . . . Ami mba zuu kutja Eye uri ponŋonŋu. Ami me i ku Ye!” Oo, mbuae! Eye okuyenda!

¹²² Moiri indjo yomerikendero, eye a sokukara nondyero: okuyandjera omuatje we a koke, poo eye a tjiwa kutja ingo ngari omeritjiukisiro wEmbo. Eye wari omupristeri, nu eye wa resa Embo, nu eye a tjiwa kutja ingo yari omeritjiukisiro ya Ndjambi. Ndjambi wari mu Kristu, ama hanganisa ouye Omuini. Eye a tjiwa nao, nu eye wa ninikizirwa mouzeu. Eye wa ŋire okutjita ondataiziro, wa yandjera omuatje we a ŋe, poo wa kara nomahongonona we. Indu eye tja ri momerikendero inga, yari ape moruveze indo Jesu tjeya okurimunikisa. Eye wa ya ku Ye. Eye wa tja—Eye wa tja, “Ami mei puna ove, ngamwa atjihe tji mohungire.” Nu pendje mondjira, peya omuhindwa, otjina otjizorondu imbo. Eye wa kara nomahongonona we, kutja eye wa kambura Mu ye. Eye indino wa poka omuini okurira okanepo, nu indino okuritwa omuini momoho yotjiwana, kutja eye wari omukambure mu Jesu.

¹²³ Nu omuhindwa eye ngwi we ya, a tja, “Ororo okuponda omundu, orondu omukazona woye wa ŋu rukuru. Eye wa ŋire erero. Eye wa ŋu rukuru. Otjiti, oriwovisa navyo ko rukwao.”

¹²⁴ Nu, oo, omutima we ma u hara okukurama. Posiya wa tara nu a munu omeho ingo ya Jesu, a tja, “Ami hi tjere ku ove? Otira ko, tjinangara movanga okumuna ouyere wa Ndjambi. Ove motira tjike? Ami mbe ku raere rukuru kutja Ami me i.”

125 Eye wa hungire rukuru kutja Eye meya. Eye wa hungire rukuru kutja Eye ma tjiti imbi, nu Eye ngwi ma tjiti. Amen. Eye wa tja meya okuriraisa momayuva omasenina nu a tjiti oviṇa imbi tjimuna Eye tja tjita, otja pu twa resere ongurova ndja zuko nu twa hungirirako. Eye Ingwi me vi tjiti. Ove motira ye?

126 Zemburuka, indu Eye tjeya, nEye we mu isana okuza monḡiro. Eye weya okuriraisa nu e mu isana okuza monḡiro.

Omukurundu omupoṭu Bateremeus, otjikando tjimwe, wari moruveze oruzeu tjinene.

127 Jesu wari imbo, wa rongerisire eriro romuhuka rOmbuze Ombwa rOvarumendu Ovanagetjefa i mo—mo Jeriko, nEye imbo wari na Zakeus. Eye va hakaenena pomuti, pendje momuvanda. Okutja indu Eye tjari. . . Osemba, Eye ka yenene okurongerisa ngamwa otjiṇa tjarwe, Ami metjiwa. Momunu? Okutja tjazumba indu Eye tjeya pehi imbo, nu Eye—Eye wari naye, Zakeus waya puna Ye.

128 Omukurundu omupoṭu Bateremeus eye wari omupoṭu okuza indu tjari omuzandu omuṭiṭi. Okutja eye eripura kutja Jesu ngahino mapitire pomuvero imbo, nu eye otja undju. Katjisupi eye okuzuva orurokoho, novandu avehe mbu ave ya.

129 Nu eye wa zuva omupristeri ngu ma tja, “Hei! Hei, ove, ove moi imbo kombanda omutumba! Wa—wa—wa. . . Eṭe tu zuva kutja u pendura ovaṭi. Eṭe tuna eyendo arihe ndeura vo kombanda imbo. Tjinangara oove Messiah, tjinangara oove Messiah, indjo imba nu u pendure ovaṭi imba.”

130 Ove motjiwa, ombepo indjo ombi ngamba ina omuinyo, momunu, momuhapo wotjiungura tjongamburiro, omuhingo umwe. Momunu?

131 “Tjinangara oove Messiah, eṭe. . . ove u pendura ovaṭi; eṭe tuna eyendo ndeura vo imba. Indjo.” Nu, oo, ovandu avehe ave uru. Umwe a uru, “Hosanna kOmuporofete!” Warwe a uru *imbi*, *imbyo*, poo *vyarwe*. Pari ongurunguse!

132 Omurumendu omukurundu ingwi eripura, “Oo, Ami hi Mu munine. Eye wa pita okuza imbo, nu Ami eripura kutja Eye meya imba. Ami mba tuwa moruveze ndu heri ro.” Nu eye a utu okuura. Eye eripura, “Tjinangara Eye Embo, Eye oNdjambi; Eye wa sere okurira ye.” Okutja, “O Jesu, Ove Muna wa David, ṭondjenda naami!” Moiri indjo yomerikendero, eye tja isana.

133 Nambano Jesu, tjinangara ove moyandja ombango imba, wari mo Jeriko. Pu va tja eye wa haamene, eye wari omikato esere nomirongo vitano okuza imbo Jesu pari. Puna ovandu omayovi mbu ave parakata ongondoroka na Ye, Eye ka tja zuva omerihekeneno womurumendu ingo. Kako. Posiya Eye werimuna. Eye a kurama.

134 Ami me vanga okuzubarisa, imwe yozongurova inda: “Nu indino Jesu a kurama.” Oo! “Nu indino Jesu a kurama.” Oo!

135 Posiya indu Jesu tja kurama, yari ongena? Eye we mu isana. “OMuhonge we ya. Ourwa ko,” ovahongewa va tja, “Eye me ku isana. Eye me ku isana.” We mu isana okuza motjimbumba itjo.

Eye u tjita otjiṇa tjimwe nai. Mavi hiti? Momunu?

136 “OMuhonge we ya nu me ku isana.” Nu Eye we mu isana okuza moupotu okuya kondjerera, okuza kondorera okuya kondjerera. Nu Eye we mu isana, okukapita okuza kondiro okuya kOmuinyo. “OMuhonge we ya nu Eye me ku isana.” Nu indu Eye tje mu isana, Eye wa uta okumuna.

137 Omukazendu omutiṭi ngwari nouzeu wombinḁu, otjikando tjimwe, kombanda omutumba, wa ungurisa ovimariva vye avihe, mozonganga. Eye, nokuhina ombata, va randisa o—otjira. Va randisa o—ofarama, ya randururwa konganda yozondjo. Va ungurisa avihe otja pa ve yenene kozonganga, kapena umwe ngwe ve vatera. Eye a ngundiparerereko nokungundiparerako. Ombinḁu kai yenene okuwa pehi. A i yarukirepo, rukwao norukwao otji yari, eye wa hita oukoto noukoto.

138 Nu eyuva rimwe, ngunda a haama imbo ama tungu nozondungo, kombanda omutumba eye pa kara, eye wa tara pehi motjana, neye wa muna otjitendeze tji tje ya. Ovandu avehe ave utu okutupuka, “Hosanna kOmuporofete!”

139 Eye wa zuva ohunga na Ye. Ongamburiro i ya mokuzuva. Nambano eye wa tja, “Ami mei kehi nu me ke Mu tara.”

140 Nu indu eye tja ya imbo, neye otjitenga tja muna Embo ra Ndjambi nde ritiukisa monyama, pari notjiṇa kaani ohunga nomuano Eye mba hungire nombuniko Ye, eye pa tjiwa kutja onguri Ye. Ii, mutengwa. “Oo, andakuzu Ami me nana ombango Ye uriri komunda worive, andakuzu Ami me Mu ṭunu mongaro kaani!” Neye a pwenene mokati kotjimbumba neye a ka ṭuna kombanda Ye.

141 Nambano zemburuka, ka yari omunwe we Eye mba ṇuṇunga. Kako, mutengwa, orondu ombanda yo va Palestine i rekareka ohara. Nu Eye . . . ovo v- . . .

Petrus wa tja, “Ovandu avehe ave ṭunu ku Ove.”

142 Eye wa tja, “Posiya omaṭunino inga i peke. Ami merimunu kutja Ami mba ngundipara.”

143 Jesu we ya. Ovimariva vye vya ya, oviṇa vye avihe vya ya; posiya moruveze indo rwouzeu ombinḁu pu i hina a i yaruka ombunda, nu ozonganga ka ze yenene okuiyarura ombunda, Jesu we ya. Nu Eye wa tjita vi? Eye we mu isana. Wa paha ongondoroka ngandu indi Eye tje mu muna, nEye wa tja, “Ove wari nouzeu wombinḁu, posiya yau ombunda.”

144 “Eye iumwe erero, ndinondi, ngaaruhe.” “OMuhonge we ya nEye me ku isana. Eye we ya nEye wa isana.” Eye we mu isana okukotoka kouveruke.

145 Omukazendu omuṭiṭi pondjombo, ngu atu hungire ongurova ndja zuko, kapari omaundjiro. Ngahino, mapeya omurumendu we outjatano we mwesa, neye a toora outjahambouwwe uriri ongurova indjo, nu eye—eye a keyakeya kaṭiṭi ohunga na ye. Mongaro, eye ka tjari rukwao. Eye a vanga okurira oserekaze ya tjiri; eye, nokuhina ombata, eye a rese Ombeipera.

146 Neye otjai imbo wina, okuyenda ingo ape pomurongo na imwe. Eye ka yenene okuya omuhuka omunene rukuru indu ovakazendu ovasemba tji ve ya. Nu ave toora omeva wa vo kombanda otjiuru, novindjaa, nave yaruka. Nokutja eye ka yenene okuya, okupamba ku vo. Ave, vari nohani indjo moruveze indo, ouwa nouvi kaupamba kumwe. Imba ovarunde ave kara poruveze rwa vo, okutja eye ka yenene okuya puna vo avehe. Ovo kave yenene okumuyandjera me ye. Okutja kombunda ya indu avehe tji va toora omeva wa vo nave yaruka. . . Eye otjeya osemba.

147 Nu indino eye eya imbo nonyungu ndjiri kombanda otjiuru tje, nokuhina omakeakeyero eye a i komurungu, ame ripura, “Nambano, omurumendu Ami ngu mba kupa, poo, ngu mbari naye erero ongurova, Ami me keyakeya ohunga na ye. Eye omurumendu, eye u ritjinda oukumise. Ami—Ami hina tji me tjiwa ohunga na ye uriri. Ami hi munine oruveze. Ami mba rambwa okuza motjiwana. Nu Ami himee i kozokereka indo, kaze ya. . . Tara ku zo uriri! Ami hina okutjiwa kutja hi tjitevi. Ami mbiri momerikendero. Nu Ami e rese Ombeipera; tjiri, eyuva rorive, Omuporofete ingo me ya okuriraisa. Nambano Ami me tjiwa ave hongonona kutja kapari otjiṇa tjingee tjo, nu imba otjiperi, ‘Mapeya pa kapita ozombura esere, nu pa kapita ozombura eyovi. Eṭe atu paha vyo oure wozombura eyovi, nu nungwari kavi ya tjitwa, okutja katuna okupaha vyo nai.’ Oviṇa avihe viri nao, ‘Oo, kako, eṭe tuna ozokereka noviṇa. Eṭe katuna okuhepa oviṇa otja imbyo nai.’” Okutja indino eye otjai imbo, ame ripura.

148 Ove motjiwa, indu ove tji mo ripura na Ye, imbo Eye otjeriraisa ku ove. Tjimuna tji twari ongurova ndja zuko, indu tji vari mondjira okuyenda ko Emmaus.

149 Indu eye tje ripurira koviṇa imbyo, eye wa zuva Omurumendu ngwa tja, “Koitji Ndji etere omanuwa.”

150 Tjike ohunga na imbyo? Moruveze oruzeu tjinene, indu ongaro ye tji ya yaruka ombunda. Ngahino oserekaze omuṭiṭi omuwa, wa imbirahiwa momuvanda okuhupa omuano imbo. Oruveze rumwe karire ondjo yomukazona omuṭiṭi, ondjo yovanene ve, mbu ve mu yandjera a pite nao. Nu eye ngo, ngahino ozondjise ze nde rimanga azehe maze rekarekere pehi; ondengu ye ya wa, ama i komurungu, ngwa urwa, nu kapari omundu ngwari notjiṇa okutjita na ye, omuatje, nu mapeya ehungi enene nda ri mu kongorere.

¹⁵¹ Ngamwa omuano, Ami me tjiwa otjiṅa tjimwe, eye wa resa Ombeipera, nu eye wa kambura mOmbeipera. Nu pari nondwi onḍiṭi ndja ri momutima we, ya tja, “Tjinangara pa tjitwa nao, Ami me tjiwa.” Eye wa toororerwe ku imbyo.

¹⁵² Tara imbo ku Judas omukuru ngwa kurama imbo nu ngu me ritjindi tjimuna eye tja tjita. Yari onḍorera mourekoto womutima we. Ondjerera a i yere imba moviungura vye, posiya moukoto omutima we eye ka kamburire Ro. Nu eye ngwi wa ri imba. . . Momunu, Ondjerera kai yenene okuyenda moukoto ku imbyo. Posiya eye ngwi opari, kambura, eye wa kamburire Ro, posiya omuinyo we wari monḍorera; indu Ondjerera tji ya tjena, Ya isapo onḍorera. Posiya indu Ondjerera tji ya tjena kombanda imba, Ya zokerisa apehe. Indjo oombangu.

¹⁵³ Momunu, eye wa kwaterwa ondando indjo. Eye—eye wa tja, indu Eye tje mu raera kutja ovarumendu vengapi eye mbari navo, eye. . . Pa tjitwa ye? Eye wa karera imbo tjimuna mondjoroka. Eye wa hita momerikendero. Eye wa tja, “Mutengwa, Ami me munu kutja Oove Omuporofete. Ami me tjiwa kutja indu Messiah tje ya, Eye ma tjiti oviṅa imbi.”

¹⁵⁴ Indino Eye we mu isana. Indino Eye we mu isana. “OwAmi Ye, ngu ma hungire na ove.” Eye wa zemburuka ro otja kEmbo ra Ndjambi. Eye we mu isana okuza mourunde we, okuya kOmuinyo. Nu ena re riri mOmbeipera, nu eye ndinondi wa hara Omuniyo mbu hinokuṭa.

¹⁵⁵ Eye ma yenene okukuisana omuano umwe, orondu Eye iumwe erero, ndinondi, ngaaruhe. O. . .

¹⁵⁶ Ii, ongaro ye ya wa ombunda, posiya ngunda eye a tjiwa kutja Eye wari omusosonone. Eye a tjiwa kutja ingo ngwa sere okurira Messiah. Indu Jesu tja tja, “owAmi Ye, owAmi Ye,” eye a tjiwa kutja otjipari.

¹⁵⁷ Otjikando tjimwe ovahongewa vaire motjitendeze, kapari omaundjiro oparukaze. Ozombepo, ovo va ya nokuhina Jesu, nu ozombepo uriri—uriri zari tjimuna ponganda ya Lazarus. Kapari omaundjiro oparukaze. Otjitendeze otjiṭiṭi amu hiti omeva. Nu ave uru nokurira, nu ngahino ave kumbu noku hona komurungu, nu aku tjene orutjeno rombura, nu otjitendeze mweurire omeva, ovihende ovihongorere avi u pehi, otjihende otjiwondjise tja teka, nu otji va pukatasanene, nokurira.

¹⁵⁸ Nu moiri youzeu wa tjiri indjo, indino Jesu we ya ama wondjo kombanda omeva. Posiya Eye a munika tjimuna otjiruru ku vo. Eye a munika outirise, tjimuna ombepo, nu va rira nondira.

¹⁵⁹ Imbo pu pe kara oumba ndinondi. Jesu u ya moiri yoruveze rwouzeu woye, nu ove u kara nondira na Imbi. Ove kotjiwa kutja Imbi ovikwaye.

¹⁶⁰ Ovo kave tjiwa kutja Eye wari aṅi. Va tja, “Oo, ombepo!” Otjaave uru.

¹⁶¹ Nu indino Eye we ve isana, a tja, “Amu tira ko, owAmi.” Moruveze oruzeu tjinene, Jesu we ya okuriraisa, Ombatero ya vo. Imbo omuano Eye mbe tjita, u ya moruveze oruzeu tjinene. Indino Jesu we ya nu e ritjiukisa Omuini, nu e ya ku vo.

Peturus wa tja, “Tjinangara Oove, ndji isana mbi wondje kombanda omeva.”

Jesu a tja, “Indjo.”

¹⁶² Motjiwa kutja tjike, mapanga? Karure Eye meyerere imbyo momayuva omasenina inga. Nambano, ka ukumise kutja okereka ya hita moruveze rwouzeu imbwi rukwao?

¹⁶³ Ami me ka hungira otjiṇa kaaṇi imba. Kamahongero. Ami me porofeta uriri. Ove motjiwa kutja pa tjitwa ye? Mape ka kara oruveze, karure, yandja ombango komambo wandje, kutja ozokereka azehe ṇḁahaṇika pekepeke za sere okurikwamba ko Komiti yOvanane vozokereka. Tjinangara kavena okutjita ko, kamaa ve pewa ombatero okuza ko Komiti. Mu nao, mape kara okuhinomeriyandjero, nu kapena omundu ngu ma yenene okuyenda kozokereka ṇḁa, poo okuyenda ku ngamwa ozokereka; tjarwe una ohako okuza kokereka yoye omuini, ove komoo yenene okuranda poo okurandisa. Ove momunu peri tjimuna tji pari, okutja otjinga mape ka kara rukwao, ohako yotjipuka. Nu okereka, mave munu imbyo, ovandu vombepe.

¹⁶⁴ Nu eṇe vandu vo Pentekostal, mu ngamwa omuano, mave munu imbi. Eṇe mwa uta okurimuna. Indu ozokereka zeṇu, ozombongo ozengi zo Pentekostal; nu Ami hina okuhepa okuisana omana yeṇu, posiya ove motjiwa nambano nai mave—mave hiti mu imbi. Va mana verimunina imbyo kutja otjivari. Nu indu ove tji wa tjiti nao, ove wa sere okukatjitavi? Ove wa sere okukanakaura ouhonge woye wOmazuvarisiro wombapitisimo yOmbepo Ondjapuke. Ove wa sere okukanakaura omahongero woye wOmbeipera.

¹⁶⁵ Nu ouṇepo kauna okukakuramena imbi. Imba ovaKriste va tjiri ovakwatwa-rukwao mave ṭu, rutenga. Ovo va rakizwa kEmbo. Ovo mave tjiwa kutja otjiṇa ihi ma tji ya. Ii, mutengwa.

¹⁶⁶ Nu ka ukumise? Nu imba moruveze oruzeu tjinene indwi, indino Jesu we ya okuriraisa nu e tu isana, a tja, “Otira ko. OwAmi. Ami ngunda mbiri puna ove. Ami mbeya okutjiukisa Embo Randje.” Otja Eye tjari rukuru, Eye otjeri nai. Eye wa tja Otji ma tjiti nao. Oo, mbuae! Omuhonge we ya nu me tu isana.

¹⁶⁷ Pena ovandu ovengi imba mba vere, kapena omakeyakeyero, kokutja va haama imba, nu onganga ye ku raera kutja kapena—kapena omaundjiro ku ove. Ove mapeya okara moruveze rwoye oruzeu tjinene, posiya, zemburuka, oMuhonge we ya nu me ku isana.

¹⁶⁸ Nu eyuva rorive, eyuva rorive, oMuhonge meya na isana ena arihe nda tjangwa mEmbo yOndjona rOmuinyo. Tjinangara ingo

woye kayepo imbo, twapo imbo nai, orundu Eye meya na isana. Nandarire imbo mbu veri meyendo mave zuu kEraka Re nave ya kOmuinyo. OMuhonge meya na isana ove. Nu ngunda Eye ama isana ndinondi, nyamukura nu u kare amorongerere Eyuva indo, oondunge yandje ku ove.

¹⁶⁹ Ongwizikiro yotjiwondo tji, Eye wa kwizika kutja Eye ma kara imba. Oviṇa Eye mbya tjita, Eye ma tjiti rukwao, nu nai rukwao oMuhonge we ya nu me ku isana.

¹⁷⁰ Ngatu pete oviuru vyetu. Ami mbina ape omikuma hamboumwe vyo zombambira imba, posiya Ami—Ami hina okuyenda imbo nai. Ngatu pete oviuru vyetu. Ami mba kwizike okumuesa rukuru, nu nai iri kuṭa kohinga.

¹⁷¹ Tate wOmeyuru, O Muhona, nga pe tjitwe rukwao. Oviṇa avihe imbi Ami mbi mba hungire, “Jesu weya nu me ku isana.” Hapo Eye u tjita vi indu Eye tjeya? Eye u isana. Nu a tjiti kutja tji tjitwe rukwao, Muhona. Yandjera Ombepo Yoye Ondjapuke i ye mokati kovandu ongurova, Muhona Jesu momuhapo wo—wo Ombepo. Yandjera Eye me ye ongurova nu e rivandurure Omuini, nu tjazumba e ritjiukise Omuini. Tjimuna ovandu imbo, komuhingo mbu va kambura, eṭe otji matu kambura, wina, Muhona. Pena ovengi imba, ngahino, mbe hi ya rora okumuna oruze indwi. Matu kumbu kutja Ove mo ve pe ongurova indji rukwao. Matu ningire kohiviriko ya Ndjambi, mEna ra Jesu. Amen.

¹⁷² Imbo otjiperi, sisi, posiya kawondje komurungu na imbyo. Imbo peri nawa. Kayende komurungu. Oo, kare kumwi, amuhe.

¹⁷³ Ove mokambura kutja Eye we ya? Eye otja tjiti. Ngunda Eye u isana indu Tje ya? Nambano tjinangara ove mokambura uriri. Tjinangara ove mokambura Embo ra Ndjambi, Ndjambi me ku vatere.

¹⁷⁴ Nambano tara, Ami hina oruzeze okuisana oruteto rwongumbiro kombanda imba. Ami me ke ve isana ongurova, pendje imbo, tjinangara Muhona mavanga. OMuhonge we ya. Eye we ya okuyenenisa Embo Re meyuva esenina. Nu Eye tjiaari rukuru, Eye otjeri ndinondi. Ngari omeritjiukisiro poo ondjiukiro Ye rukuru, otjeri ndinondi, orundu Eye ngunda Embo ra Ndjambi. Ove mokambura imbyo? Nu Embo ra Ndjambi ri Sosonona omeripura, nourizemburuka womutima. Nu omuano Eye mba tjita rukuru, omuano Eye mba tjiti aruhe. Eye ngunda iumwe. Tjinangara Eye ma tjiti imbyo nai, ove mokambura mu Ye? Mape tjiti kutja ove u kambure mu Ye?

¹⁷⁵ Eṇe vandu mbu muri imbo nai, kurama mbi tare rutenga nu mbi mune kutja tjinangara pena omundu Ami ngu me tjiwa, ngwa haama porive imba, Ami ngu me tjiwa.

¹⁷⁶ Avehe mbu veri imba, kombanda *imba*, mbu ve hina okundjitjiwa, yeree omake weṇu; ove motjiwa kutja ami hina otjṇa tji me tjiwa ohunga na ove, nu ove wa vere, yere omake

weŋu. Ami me haka, ovandu avehe. Peri nawa, nambano, ove mokambura. Ove mokambura uriri puna omutima woye auhe. Okeyakeya ko. Kara nongamburiro. Kambura mu Ndjambi.

¹⁷⁷ Ami me ku ningire kutja u kare kumwi tjiri, haame. Onyangatara ongondoroka nai, arikana otjiti. Momunu? Momunu? Oove o—o omuinyo, orutu, nombepo. Nu ombepo woye. . . Nu Ombepo Ondjapuke ina ohoŋi tjinene.

¹⁷⁸ Ivengapi mbu mave zemburuka, ozombura ozengi ŋda kapita, kutja Ombepo Ondjapuke, indu Ami tji mbe ya imba nu e mu raere? Indu Ami tji mba kambura ovandu komake, Eye we ndji raera kutja mape kara omasosononeno inga, nu tjazumba kayende komurungu? Ove movizemburuka, mozemburuka imbyo? Posiya Eye wa tja, “Tjinangara ove moyenene okutjita kutja ovandu ve kambure mu ove.” Mozemburuka omayuva ingo, ozombura ozengi ŋda kapita? Ove wa sere okukambura.

¹⁷⁹ Ami mba muna omurumendu, Ami me kambura kutja yari imba pomaongarero inga warwe, ngwa haama mbeni. Nu Ombepo Ondjapuke. . . Ami mbari ame mu tarere indu Ami tji mbari ame zuvarisa. Eye wari omurumendu otjirema. Eye wari novinŋe kehi omakwapa we. Nu indu Ami tji mba uta okukara nomaisaneno, Satana we ya komurumendu, otjizire otjizorundu. Nu Ami mbe tji tarera nomeho wandje omuini. Eye wa sekama nu a kawondja okupita. Eye aruhe ma rire otjirema, momunu. Nokutja, eye, eye pu ma ka verukira imbo eye uriri—uriri. . . Momunu? Posiya, uriri, Ami hina okutjiwa kutja ongwaye. Ami me kambura kutja eye wa puratena komunavita uriri. Posiya tjinangara ove mokurama nu otarere ovizire imbyo, omunu oviŋa imbyo momuhapo, omuano mbu viri, nu ovitarere tji vi tjita. Momunu, marire. . .

¹⁸⁰ Nambano, Ami hi verura. Omundu ngu ku raera kutja me ku verura, eye uri posyo. Ove wa verurwa rukuru. Posiya, okuzemburuka Oukarepo wa Jesu Kristu. Nambano andakuzu Marta a tjiwa kutja tjinangara eye me Mu munu rukwao, kutja eye ma munu ovyonŋero ye, orundu Eye wari omatjiukisiro wEmbo, katuna okuyenena okukambura imbyo tjinene ongurowa, okukambura mo? Tjiri, eŋe twa sere. Eye we ya. Eye we ya, Eye we ya momuhapo wOmbepo Ondjapuke. Ingo Onguri Ye. Nambano ove kumba uriri.

¹⁸¹ Momunu, kombanda imba, andakuzu Ami mbari nomundu ngwa kurama imba, imba popezu pu ami, ngu ma kumbu uriri—uriri; ove momunu, ovandu ovengi mave kumbu, avehe metuwo. Ove wa sere okutarera uriri. Ove komoo tja, “Otja, Mbuti Branham. . .” Kako, mutengwa. Ami—Ami hi yenenene okutjita, ka kombanda ya indu ove tji moyenene okundji rotera oruroto. Momunu? Ove mapeya oroto. Ove, Ndjambi mapeya a tjiti kutja u rote oruroto ohunga naami, ove mokambura nao, posiya ove komoo tjiti omuini. Ove komoo tja, kutja, “Mbuti Branham,

Ami nai me ka rota oruroto ohunga na ove.” Kako, ove komoo tjiti nao. Nandarire Ami himee yenene okumuna otjirimunikise. Ngamwa ngu kupa oruroto, ingo nguri umwe ngwa sere okutjita. Omuhingo umwe otja kotjirimunikise.

¹⁸² Ami me munu omurumendu ngwa haama imba komaandero woruteto, nguna oramatika. Tjinangara eye ma kambura nomutima we auhe, Ndjambi me mu verura koramatika. Ove mokambura kutja Eye otji ma tjiti, mutengwa? Ngwa haama imba, omurumendu wa Mexico, ngwa haama komaandero woruteto, ove mokambura mo? Peri nawa, mutengwa.

¹⁸³ Oserekaze ndja haama meñe yoye, eye noho una oramatika, wina. Ove mokambura kutja Ndjambi me ku verura serekaze? (Hapo *indi* eraka mari kotoka ombari ku imbi? Ami me tira kutja ovandu kavena okuzuva.) Ove moyenene? Peri nawa.

¹⁸⁴ Tjike ohunga noserekaze omuñiti wa Mexico ngwa haama pu ye? Eye uri momuhihamo wouzeu woephuri. Ove mokambura kutja Ndjambi ma verura pehuri poye, serekaze?

¹⁸⁵ Eye wa yakura yo. Indu Ami tji mba munu Ondjerera indjo ndjai pehi, mape heye kokutja tja tjitwa. Ii. Opuwo nao. Ya tjene ku ye. Oyondjo yaRi yo, ya wondjo ongondoroka... [Peri uriri moteipa—Pw.]...oyo opu i tjita. Momunu? Indu Eye tja kara nongamburiro! Momunu, “Ovina ovingi Eye ka yenene okutjita mena rokuhina ongamburiro kwa vo.”

¹⁸⁶ Imba pena oserekaze ndja haama imba ndji mai kumbu, imba nai. Eye una ondira. Eye wa sere. Eye una okangera, ombi tjiri. Ami hikwi, posiya Ndjambi me ku tjiwa. Ove mokambura kutja Ndjambi ma yenene okundji raera ohunga nokangera indji, poo otjina tjarwe kaani? Tara ku ami. Pena ovengi imbo mbu mave kumbu, ove momunu, Ami ombi me hungirireko. Tara ku eñe. Nambano, ii, ove kaove wa muno, indji ka nganda yoye. Ove wa za koruveze ndu isanewa Porteville, California. Imbo otjiperi. Ove mokambura kutja Ndjambi ma yenene okundji raera kutja ove uñe? Eye ma tjiwa. Ena roye oove Oserekaze Wintham. Imbo otjiperi. Nambano kambura, nu okangera mai zumo mu ove. “Tjinangara ove mokambura.” Imbyo avihe Ndjambi ombi ma ningire ku ove okutjita. “Tjinangara ove mokambura.”

¹⁸⁷ Ove kona okukambura imbyo nomutima woye auhe? Omundu rive *imba* komunda imbwi, ove kona okukambura? OMuhonge we ya nu me ku isana. Eye me ku isana okuza konñiro okuya kOmuinyo, okuza mouvere okuya kouveruke.

¹⁸⁸ Imba pena omurumendu ngwa haama osemba kongotwe imba, ngwa pete otjiuru, ma kumbu. Eye tjiri kena okurikumbira omuini, eye ma kumbire omundu rive. Eye o—o omukazona. Eye omuatje omukazona we. Ove mokambura, mutengwa? Ove una ouzeu nomarama woye. Ove una ouzeu nongoro yoye. Imbo otjiperi. Kahepero okurira, Eye ngo imbo pu ove. Omuatje woye omukazona uri monasareta, ka nguri ye? Omutjise womapunga.

Ove mokambura. Ove mokambura? OMuhonge we ya nu me mu isana. Ove mokambura, otja tate we? Ove opu mo tjiti? Eye ngeye ku ye ongurova, na ove. Ngarire omaandero.

¹⁸⁹ Imba pena omuzandu omuṭiṭi, omuzandu omuṭiṭi womurungu-omuhoni. Eye uri mouzeu womutjise womukova, notjari tji tji pata, omuzandu omuṭiṭi wa Mexico, omuzandu wa Mexico ngwa haama imba. Eye kawa muno. Eye wa za ko San Jose. Ove mokambura, muzandona? Otjiṇa tjarwe, tate woye uri imba puna ove. Eye omuhonge. Imbo otjiperi. Ove mokambura Ndjambi ma yenene okundjiraera kutja ena roye ove tjikwaye? Mape ku tjiti kutja ove u kambure oukukutu tjinene? Ena roye ove Reuben. Nambano kambura. Um-hum. Ndjambi me ku verura.

¹⁹⁰ OMuhonge we ya nu Eye me ku isana. Oo, murunde, oo, mundu ngwa vere, ove kona okumuna Omuhonge ngwa tjiukisiwa momundu omuutwa, pokati kovakambure? Eye we ya okuisana ovanatje Ve ovakambure kouveruke. Eye we ya okuisana omurunde kondanaukiro. Ngwa yarukombunda, okaṇepo kokereka, Omuhonge we ya nu me ku isana.

¹⁹¹ Ove mokambura mo? Ove mokamburire mo kouhepe woye nai? Tjinangara peri nao, yera eke roye, i tja, “Ami mekamburire ouhepe wandje.” Indino sekama kozombaze zoye nu u yakure ro. OMuhonge weya nu me ku isana. Nu ngamwa auhe otja tjeri, ohunga na ngamwa ouhepe mbu nawo, Omuhonge weya nu Eye me ku isana. Eye iumwe erero, ndinondi, ngaaruhe.

¹⁹² Omukazendu omuṭiṭi ingo wa ya motjihuro, na tja, “Indjo, tara Omurumendu ngwe Ndji raera kutja pari nouzeu waye.” Ove koya ya motjihuro. Ove we ya okuvimuna, omuini, okutja Omuhonge weya nu me ku isana.

¹⁹³ Yera omake woye nu u Mu tange, nu itja, “Muhona Jesu, owAmi omurunde; ndji isira. Ami mba yarukombunda; ndji katora, Muhona. Ami me hepa Ombepo Ondjapuke; ndji urisa. Ami mba vere; ndji verura. Ami mba remana; ndji verura.” OMuhonge we ya nu me ku isana. Yera omake woye nai nu u Mu pe ondangero. Amen.

¹⁹⁴ (Tu nyandera otjihumba imba, “Ami me Mu tanga, Ami me Mu tanga.” Ove motjiwa? *Ami Me Mu Tanga*. Ove motjiwa indo, ka tjiperi?)

Ove mokambura?

Ami me Mu tanga, Ami me Mu tanga,
Oo, tanga Ondjona ndja tira ourunde;
Eṇe vandu amuhe Mu hivirikeye,
Orundu Ombinḍu Ye ya koha okuisapo
ourunde auhe.

¹⁹⁵ Ove we Mu suvera? Nambano ove kona okuvanga okuMuimbura ngunda Eye e ri imba? Eye Ombepo ndji

mai ryanga ongondoroka metuwo. Eye ma tjiwa omitima vyeṇu, ma tjiwa avihe ohunga na ove. Ngatu imbure ku Ye, puna omutima wetu auhe.

Ami me Mu tanga . . .

Yera omake woye indu tji mo tjiti.

Ami . . .

Nambano Mu tanga uriri.

. . . Mu tanga,
Oo, tanga Ondjona ndja țira ourunde;
Oo, eṇe vandu amuhe Mu hivirikeye,
Orondu Ombinḁu Ye ya koha okuisapo
ourunde auhe.

¹⁹⁶ Oo, serekaze, ove nguri mokatempa, andakuzu ove mokambura kațiti tjinene imbo uriri.

Ami . . .

Ngatu rore otjikando tjimwe rukwao. Ami me undju otjiṇa kaṇi.

Ami me Mu tanga, Ami me Mu tanga,
Oo, tanga Ondjona ndja țira ourunde;
Eṇe vandu amuhe Mu hivirikeye,
Orondu Ombinḁu Ye ya koha okuisapo
ourunde auhe.

¹⁹⁷ Nambano ngunda amatu imbura indo rukwao, tanauka, kambura eke romundu worive, ngunda amatu imbura ro, imbura, “Ami me Mu tanga.” Tjiteye nao, amuhe pamwe nai.

Ami me Mu tanga, Ami me Mu tanga,
Tanga Ondjona ndja țira ourunde;
Eṇe vandu amuhe Mu hivirikeye,
Orondu Ombinḁu Ye ya koha okuisapo
ourunde auhe.

¹⁹⁸ Oo, panga erunde, ove kona okuya kombanda imba nai? Indjo kombanda imba nu u Mu pe ondangero, eṇe vandu amuhe. Eṇe vandu amuhe mbu mave vanga okuMuhongonona otja Omuyame. MOukarepo We, ngunda ovayapuke amave rikotamene mOmbepo, ko tjo ya imba nu okurama? Itja, “Ami me vanga okuhongonona, ongurova. Ami me vanga okuMupa ondangero. Ami me vanga okuya. Ami hina ohonṇi na Ye. Ami me vanga ouye u tjiwe kutja Ami mbe Mu yakura otjOmuyame wandje, imba nai ngunda Eye e ri po.” Indjo ngunda amatu imbura ro.

Ami me Mu tanga . . .

Ove kona okuya?

. . . Ami me Mu tanga,
Oo, tanga Ondjona ndja țira ourunde;
Oo, eṇe vandu amuhe Mu hivirikeye,

Orondu Ombinḁu Ye ya koha okuisapo
ourunde auhe.

199 Oo, peri nao, serekaze, indjo kombanda imba. Ouṇe warwe ngu me ya, mOukarepo wa Kristu? Indjo kombanda imba, sisi, kurama imba.

200 Omundu worive ngu ma vanga kutja Eye a rire Omuyame woye, nambano nai, nguhina ohoṇi. Eye wa tja, “Tjinangara ove una ohoṇi naAmi komurungu ovandu, Ami me kara nohoṇi na ove komurungu ya Tate Wandje nOvaengeli ovayapuke.” Tjinangara ove konohoṇi na Ye nai, nove mo Mu vanga otja Omuyame woye, ngunda Eye e ri imba! Ove we Mu munu. Peri osemba tjinene, Embo Orini onde Ri tjiukisa. Indjo kombanda ngunda ovayapuke amave rikotamene nai. Ove kona okuya kombanda?

201 Ndjambi nge ku sere ondaya, mutengwa. Oserekaze omukurundu eyengo we ya, ngwe ya kotjiwondo tja tjiri. Ove kona okuya nai?

Ami me . . .

Imbura ro nai.

. . . Ami me tanga . . .

202 Imbo otjiperi, vandu omitanda, indjeye kombanda imba ongondoroka. Tanga uriri. Ndjambi nge ku sere ondaya, serekaze, imbo otji pa sere okutjitwa. Ndjambi nge ku sere ondaya, eṇe mitanda.

. . . ṭira ourunde;

Eṇe vandu amuhe Mu hivirikeye,

Orondu Ombinḁu Ye ya koha okuisapo
ourunde auhe.

203 Ngunda ovahonge amave i kovandu imba nambano kapena omundu warwe ngu me ya? Omuyarukombunda, ove mo ya, i tja, “Ami meṭohoṇi nomuinyo wandje”? Eye Ngwi imba. Ove mokambura mu ami otjOmukarere wa Ndjambi? Yera omake woye. Ongwaye, Jesu Kristu u ri mokati ketu. Ove kona okuya?

Eṇe Mu hivirikeye . . .

Ove kona okuya okuMuhivirika?

. . . vandu,

Orondu Ombinḁu Ye ya koha okuisapo . . .

204 Marta, ove mo ya, poo ove mo ka haama puna Maria mondjuwo? Ove mo ka sewa kongotwe mozombongo tjiva, nu otja, “Oo, okereka yandje ka i kambura Ro komuano imbwi,” indu Kristu tja tjiukisiwa? Ove mo ka haama uriri nokutja nao, poo ove mopiti okuya? “Osemba, Ami me ku raere, indu Ami . . .” Kako. Ndinondi, oiri oyo ndji. Onḁiro iri ongondoroka na ove, tjimuna omuatje omukazona wa Jairus.

²⁰⁵ Indjo nai! Omuyarukombunda, indjo nai. Murunde, indjo nai. Oruveze orondwi. OMuhonge we ya nu Eye me ku isana. Eye me ku isana. Ove motja, “Hapo Ami me tjiwa vi?” Eye ma ungurisa eraka randje. Tjinangara Eye ma ungurisa eraka randje okutjivisa ouvere, omauzeu novina, ove kona okutjiwa kutja Eye wina ma isana ourunde? Piteye muye! Indjeye nai, indwi ma ru rire oruveze orusenina ove ndu mokara na ro.

²⁰⁶ Korumwe rukwao, pena ovengi imba mba sere okuya, mapanga. Ami hina okuvanga okukuṭisohoni, okumuisana komuhingo imbwi. Imbo kaperi nawa. Tjinangara ove ngahino oruveze rumwe... Imba ova Faresi ave nangarasi va yamwa, posiya ka tjiperi. Ove moripura omuhingo umwe. Indjo nai.

²⁰⁷ Kara a motjiwa! Otjiti, otoorora ko ondjira osupi ku imbi uriri. Tjinangara pena omakeyakeyero omaṭiṭi mourizemburuka woye, oyandjere ko oruveze. Indjo nai. Nambano oruveze rwa yenene, nai ngunda Oruharwi a rwa paturuka, ngunda Ombepo Ondjapuke a iri imba. OMuhonge we ya. Omakeyakeyero ingo omaṭiṭi, Eye ombi ma vanga okukuraera, “Ove mokeyakeya.” Yandja ku ye. Indjo imba, nai. OMuhonge we ya nu me ku isana. Imbo otjiperi, kare ama mu ya uriri, kare ama mu ya.

Ami me Mu tanga, Ami me Mu tanga,

Ove kona okuya okuMupa ondangero?

Tanga Ondjona ndja ṭira ourunde;

Eṇe vandu amuhe Mu hivirikeye,

Orondu Ombinḁu Ye ya koha okuisapo
ourunde auhe.

²⁰⁸ Nambano ngunda ovarunde amave ya, okurivarera mu Ye, ovandu nga ve Mu pe ondangero, tjinga amatu imbura nai. Nomake weṇu kombanda, imbura okuMutanga, nambano, atuhe pamwe:

Ami me Mu tanga, Ami me Mu tanga,

Tanga Ondjona ndja ṭira ourunde;

²⁰⁹ Mu pa ondangero uriri! Eṇe vandu mbu muri imba, kumba, ningira ku Ye e mu isire. Imbo Eye opu ma tjiti. OMuhonge we ya nu me ku isana. Ndjambi nge ku sere ondaya. 

64-0213 Indino Jesu We Ya Na Isana
Etuwo rOvitjitwa raElliott
Tulare, California U.S.A

HERERO

©2026 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ondjivisiro yOusemba wOkuhengurura

Kona ouyara auhe. Embo ndi ma riyenene okuherengururwa komahina yoponganda okungurisa omuini poo okuhavarisa pendje, otjari nokuhina otjisuta, otjo tjiungurisiwa okuhandjaurisa Omazuvarisiro yaJesu Kristu. Embo ndi ka ri sere okurandisiwa, okupitisiwa motjivaro otjingi, okutuwa komirari vyotungovi, okutizira mozomahina, okutorokwa momaraka yarwe, poo okungurisiwa otjo tjisuta tjo ku riheka nokuhina omatjangwa wotjiraisiro tjomaningira ko Voice Of God Recordings.

Kondjivisiro onyingi poo koviungurisiwa vyarwe mbiripo, arikana hakaena:

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org